

Sindicalismo y su desaroyonan na Aruba



Pagina 5 y 32

Bestuurskantoor ta haya facelift



Pagina 31

Gobierno ataca pa construi refineria y terminal nobo



Pagina 6

Haya paspoort ta keda un reto pa Venezolanonan



Pagina 3

Por dura 9 luna prome cu haya rijbewijs



Pagina 2

Duracion di 9 luna pa bo haya bo rijbewijs na Aruba



ORANJESTAD - Tin un retraso hopi grandi pa loke ta trata otorgamento di rijbewijs; e examen di teoria y henter e proceso pa bo yega na un rijbewijs. Pa varios tempo caba e departamento a pidi pa mas personal pero nunca a haya esaki.

Gobierno a constata cu tin un lista di warda cu un duracion di 9 luna pa bo haya bo rijbewijs. “Y esey ta sumamente hopi largo”, segun minister di husticia Andin Bikker (POR). Gobierno a reuni cu korpsleiding pa inventarisa e problemanan y constata cu ta haci falta di personal y capacidad. Minister Bikker a anuncia ayera cu pronto e prome stap lo ta pa huur un edificio especificamente pa e departamento tin mas capacidad y tambe lo bay over na automatizacion.

Edificio negligisha

E edificio di departamento di rijbewijs na St. Cruz no ta den mucho bon condicion tampoco y ta muestra negligisha pa un tempo caba. Manera cu nos a yega eynan ayera pa tira un bista, e prome cos cu e empleadonan ta dirigi na nos ta con e palomanan cu tin e luga na werki. Ta haci falta di borchinan tambe pa dirigi e personanan na cierto areanan di e edificio, mayoria ta djis papel riba porta pa describi



e area. Director interino na departamento di rijbewijs Johnny Wout ta bisa Bon Dia cu nan no ta mucho na altura riba e cambionan na caminda. Pero sr. Wout ta bisa cu for di basta tempo nan ta falta personal.

“Pa motibo di esaki tin retraso. Antes normalmente nos tabata haya por ta dos diasabra pa luna pa traha overtime y haal in esunnan cu no a pasa examen. Por lo menos 40 hende riba diasabra pa coremento so.” For di aña 2015 segun sr. Wout, a stop cu overtime y tur e hendenan ey

cu mester bolbe pasa examen mester haci esaki den siman. Ora nan haci esaki nan ta gara luga di otro hendenan cu por a bin riba e fecha ey segun sr. Wout.

Pa e motibonan aki e departamento tin awo por lo menos dos aña ta pidi pa personal y ta haya esaki ta e solucion pa tur problema. “Nos ta pidi y pidi pero nos no ta hayando.” E edificio unda nan ta awor ta uno chikito pa nan tambe, nan no tin ni un luga pa come. Riba locual ta e computernan: “Mi tabata tin casi tres siman sin computer. Nan ta drech’e,

e ta traha un dia y despues e ta bay. Mester bolbe warda atrobe anto esaki ta pega e trabao”, sr. Wout ta bisa. Nan ta bisa cu si ta bay automatiza e sistema mes, toch lo keda mester mas personal.

Proceso di teoria reduci na tres luna

Automatizacion riba e parti di teoria pa haya rijbewijs ta tumando luga na Hulanda pa hopi tempo caba. Minister Bikker a anuncia ayera durante un rueda di prensa cu nan ta anticipa cu e proceso di teoria pa haya bo rijbewijs lo cuminsa na reduci esaki na

no mas cu tres luna.

“Pero unabes e aspecto di teoria y examen wordo automatiza, practicamente no ta bay tin lista di espera mas. Djis un tiki pasenshi”, segun minister Bikker. Banda di esaki, gobierno a pensa di haci un apelacion na esunnan cu a traha den e departamento, tin e experiencia y awor ta riba pensioen. Si nan por bin un rato reforsa e departamento pa atende cu tur retraso cu por tin. “Manera conoci, nos ta den un fase di transicion pa loke ta trata korpsleiding. Tin hopi temanan manera esun di rijbewijs cu a keda pendiente. Awor asina cu e korpsleiding nobo asumi cargo, en todo caso esaki ta bay tin prioridad. Nos tin basta dia caba trahando riba esaki y dunando e su debido atencion”, e mandatario a splica. Coleganan di prensa a puntra e minister con largo e proceso aki lo dura pa inicia pero e mandatario no a duna un indicacion di esaki.

Link sistema di Censo online

Tabata tin un diferencia di opinion entre minister Bikker y minister anterior encarga cu husticia riba e proceso di rijbewijs. Hefe di Censo tambe a trece algun punto dilanti riba esaki segun minister Bikker.

“Tin un sistema awor cu ta riba su mes cu ta produci e carchi di rijbewijs cu no tin link cu Censo. Esey ta pone cu den proceso ora cu haya e documento di Censo, e mester wordo manualmente introduci den e sistema eynan.” E mandatario a bisa cu pues nan kier bay den e direccion di link cu e sistema di Censo online pa e tipo di fout aki no tuma luga mas. Los di esaki, lo mester bay wak bon den algun tratado internacional cu tin cierto preocupacion pa loke ta trata seguridad.

Sr. Bikker: “Na final di dia un rijbewijs no ta solamente wordo mira como prueba cu bo por maneha un vehiculo. Pero los di esey e ta wordo acepta tambe como identificacion. Mester evita pa tin un situacion unda e documento no ta cuadra, y of hasta personanan cu no ta mester tin un documento asina lo por tin e.” Esaki ta retonan y preocupacionnan cu a bin dilanti, no necesariamente cu esaki ta pasa segun minister Bikker, pero ta puntonan cu tin atencion di gobierno.

Venezolanonan pasando den dificultad pa haya paspoort

PAARDENBAAI - Mientras un crisis humanitario ta tumando luga na nos pais bisia, keto bay pa por haya paspoort Venezolano ta birando dia pa dia mas dificil. Esaki ta afecta tambe residentenan Venezolano na nos pais.

Manera nos a publica den pasado, pa hopi ciudadano Venezolano ta casi imposibel pa renoba nan paspoort. E prome indicacionnan a drenta ora nos a publica luna pasa e storia di e hoben Arubano David Carache kende su famia di descendencia Venezolano tabatin problema pa haya nan paspoort. Loke sr. Carache a conta nos e tempo ey tabata cu su famia a warda pa mas cu un aña pa nan documentonan di biahe cu nunca a yega pa via di 'falta di material' segun e representacion di Venezuela na Aruba a conta nan.

Pues ta birando practica normal cu no ta sacando mas paspoortnan, segun sr. Carache a conta nos ultimo. Pa por renoba esaki por pone un tipo di sticker na e paspoort venci cu nan ta yama un 'proroga' y cu esaki e paspoort ta keda extendi cu 2 aña mas. Pero e gastonan relaciona cu esaki ta mas cu un paspoort nobo. Por ehempel na Consulado General di Venezuela aki na Aruba segun e hoben, e prijs ta 90\$ pa un paspoort nobo mientras e ta 180\$ pa un proroga.

Pero despues di puntra personanan cu tin pensa di extende nan paspoort



pronto, nos a bin ta haya sa cu actualmente e prijs pa e extension aki a subi na 280 dollar Mericano. No ta conoci dicon e prijs a subi drasticamente. Nos no a haya ningun comentario oficial di representacion di Venezuela na Aruba.

'Negoshi miyonario cu paspoort'

Un articulo cu nos a publica luna pasa di fuente El Pais na Spaña a indica cu e exodo di Venezolano ta un negoshi di miyones pa e rednan di funcionario cu ta comercialisa e asunto di paspoort pa miles di dollar.

Esaki ta algo cu e ex funcionario di Saima (Servicio Administrativo di Identificacion, Migracion y Stranhe-

ria) Julián Quiara a declara na e corant despues di pidi asilo na Spaña pa via cu el a haya menasanan di su superioronan ora e no kier a colabora den e benta di documentonan di identidad.

Segun El Pais hopi ciudadano tin mas di un aña ta warda riba un paspoort via e caminda oficial. Pero esunnan cu por y ta desea di paga miles di dollar na e funcionarionan corrupto di Saima ta haya nan documentonan rapidamente, segun victima, funcionario y ex funcionarionan di gobierno Venezolano y intermediarionan di e trafico ilegal aki.

Situacion na Aruba

Esaki ta algo cu ta afecta residentenan

Venezolano na Aruba tambe. Varios persona a acerca nos redaccion pa asina expresa nan preocupacionnan pa loke ta trata obtencion di un renovacion riba nan documentonan di biahe. Un persona cu a bin dilanti ta Rina Hernandez kende a conta Bon Dia cu pa e por haya un extension di su documentonan pa un periodo di 2 aña via e 'proroga' pa e y su yiu lo mester paga un total di 560\$ dollar.

Segun sra. Hernandez e consulado a splik'e cu e tramite tambe ta posibel na Venezuela (unda e gastonan ta hopi menos), pues e tin pensa di haci esaki na nos pais bisia. Esaki mirando cu pa haci e tramite na Venezuela tin gastonan relaciona di 560 mil Bolívaes, cual ta mas o menos 3 dollar riba cambio di mercado negro. Sra. Hernandez no tin miedo di bay Venezuela pa haci un simpel tramite, el a conta nos.

Manera ta conoci tin un conseho negativo den efecto pa vuelonan na nos pais bisia di parti di gobierno di Aruba y gobierno Hulandes. Sinembargo residentenan riba nos isla por drenta y sali nos pais bisia sin problema, segun e consulado a conta sra. Hernandez.

Nos lo ta treciendo declaracionnan di otro ciudadanonan Venezolano residencia riba nos isla den e proximo dianan pa asina amplia riba e situacion cu Venezolanonan ta haya nan mes den dje.

Minister di Husticia:

'Caso di Paul Croes a bruha henter e sistema di permiso'

ORANJESTAD - E caso di Paul Croes pa loke ta trata 'retonan den gober-nacion' a causa hopi daño na diferente personanan cu awor inhumamente ta wardando riba permiso, pa motibo cu sr. Croes a

bay over na bruha henter e sistema segun minister di Husticia Andin Bikker (POR) a declara ayera.

"E cos aki ta algo di lamenta pero ta un di e retonan cu nos ta enfrentando den e gober-

nacion akinan", e ta bisa. Fuera di e tipo di criminalidad manera ladronicia/atracos, tin criminalidad cu ta mina e aspecto di un estado di derecho.

Ora cu bo tin por ehempel na gran escala corrupcion

ta tuma luga y esaki no ta wordo atendi cu ne. Segun minister Bikker, nan a tuma nota por ehempel den caso di sr. Croes. "E caso ta un di e ehempelnan cu ora riba gran escala ta bin cierto di e sospechonan aki, como estado di derecho mester percura pa persigui cualkier otro penalmente mescos ta persigui e homber chikito."

Maneho estricto pa admision di permiso

Ministerio di husticia a keda amplia manera conoci cu awor tin e departamento di Dimas bao di dje. E ministerio a constata cu tin un retraso enorme di mas cu 5000 peticion pa permiso cu ta den espera pa wordo dicidi.

Tin un sistema cu yama Cirsu cu a costa 2 miyon florin cu tin su retonan di infancia anto esaki a hunga su rol den e retraso pa locual ta peticionnan pa permiso. Gobierno par di siman pasa a logra saca 1200 di e peticionnan aki y logra

un 4000 adicional. Riba e website di Dimas por mira cu e CRV number si no a mira cu tin decision riba bo peticion pa mira den ki fase e ta. "Pa subraya, no ta tur ora cu un peticion wordo duna ta automaticamente bo ta haya un permiso. Ta un peticion bo ta haci, y segun e maneho bo ta wak si ta bin na remarca si of no. Y lamentablemente tin biaha no ta tur ora ta bin na remarke pa esaki."

E mandatario a sigui bisa cu e no ta bay den direccion cu minister anterior encarga tabata opera 'unda cu kico cu pone su dilanti e ta firma aprobacion, desvia di maneho y te hasta tin biaha bay contra ley'. Minister Bikker ta bisa cu mirando e retonan grandi cu pais ruman Venezuela ta enfrentando, esey ta pone cu maneho mester ta super estricto. Minister Bikker: "Ta 100 mil habitante tin akinan, nos espacio ta limita y mester reforsa leynan hopi estricto pa loke ta trata admision."



Avion di Tiara Air a logra aterisa despues di complicacion cu motor

ORANJESTAD- Ayera atardi un avion di Tiara Air tabata rekeri asistencia di bombero ora a purba sali di Aruba pero a confronta problema cu motor y mester a bin bek.

Pa mas o menos 3or di atardi e avion modelo Shorts 360 di e agencia di biahe cu pa algun tempo a declara bancarota a haya poco problema durante oranan di atardi cu motor despues di bula pa algun tempo. Vocero di Cuerpo di Bombero Ferdinand Ponson a conta Bon Dia Aruba cu e avion a haci un yamada pa Aruba despues cu a haya problema cu motor. Aparentemente e avion tabata tin lek na cierto parti, pues e piloto a dicidi di paga esaki.



Pero el a logra aterisa bon maske tabatin fayo cu e avion.

Aunke e agencia di biahe cual a declara bancarota basta tempo pasa no tin mag di bula comercialmente, vocero di Aruba Airports Authority Hendrik Croes a splica cu den cierto casonan avionnan asina por pidi pa permiso pa bula en caso cu mester haci reparacion na otro pais, etc. "Simplemente no tin permiso pa haci vuelo comercial, pero pa otro tipo di vuelo por pidi permiso."

Den e caso aki sr. Ponson a informa cu e tabata un test flight unda tabatin 3 hende a bordo. "Danki Dios nan a aterisa sin problema", sr. Ponson a termina bisando.

Proyecto di fast ferry pa islanan ABC no tin relacion cu Venezuela

ORANJESTAD – Un biha mas minister Andin Bikker a expresa su deseo den nomber di gabinete Wever-Croes pa introduci un servicio di fast ferry entre Aruba, Bonaire y Corsou of islanan ABC.

E proyecto aki no ta relaciona absolutamente cu Venezuela, segun e mandatario cu e intencion cu tabatin un grupo di empresario Venezolano pa bin cu un servicio di ferry tambe for di nan pais y incluyendo den nan ruta e islanan ABC. "Ningun momento den e plan carga pa parlamentonan di St. Maarten, Corsou, Aruba y Hulanda ta tin e dimension di Venezuela."

El a aclaria cu un grupo priva di Venezuela a bin cu nan propio iniciativa pa bin cu un servicio di ferry entre Venezuela y Aruba. Esaki ta completamente separa di esfuerso haci for di parlamentonan di paisnan di Reino Hulandes.

Proyecto

E concepto di e proyecto aki ta un servicio di ferry cu preferiblemente lo tin su infraestructura na San Nicolas, unda e lo sali pa yega for di e punto mas cerca entre Aruba y Corsou den un trayecto di no mas largo cu 1 ora y 40 minuut.

E por transporta entre 300 pa 400 pasahero, 200 auto y 80 vehiculo di carga. E servicio aki lo sali tempran den oranan di mainta pa regresa den oranan di atardi Aruba. Nan ta premira cu lo ta un servicio diario. E ferry aki lo ta basa riba e modelo cu ta funcionando pa 20 aña caba na Isla Canarias.



E mandatario a haci un bishita recien na Corsou unda el a tuma contacto cu su colega cu ta masha entusiasmo cu e proyecto aki. Tambe antes nan tabata parlamentarionan cu a bin promove e idea aki y e palabracionnan cu a wordo haci for di 2012 bin ariba pa introduci e servicio di e ferry. Esaki a wordo haci den seno di reunion di IPKO of encuentro inter-parlamentario entre Hulanda, Corsou, St. Maarten y Aruba. St. Maarten tambe ta interesa ya cu nan ta desea riba mesun plataforma aki di por haya un servicio entre Saba, St. Eustasius y St. Maarten mes.

Ya caba for di 2016 un grupo impulsa pa Hulanda a traha un rapport pa identifica kico mester tuma luga di parti di e islanan pa por introduci un servicio di ferry. Pa establece un servicio asina mester tin un waf disponibel. Segun e mandatario ya caba hunto cu minister di Infraestructura nan a cuminsa explora e areanan na San Nicolas cu ta bou control di gobierno pa bin cu e waf si e proyecto di e fast ferry ta wordo concretisa. Tambe cierto aspectonan rel-

aciona cu siguridad cu mashin biometrico pa por controla den un forma rapido y eficiente tur persona cu ta subi y baha di e ferry aki. E ta casi un sistema similar di e asina yama happy flow uza den aeropuerto.

E mandatario a laga sa cu nan ta cumpliendo cu e prome pasonan di e acuerdo di gobernacion pa loke ta trata e fast ferry. E ta haya cu un proyecto asina aki lo engrandece nos economia, y specialmente lo trece un empuhe den e area di San Nicolas. E distrito aki ta pasando den retonan grandi for di cu e reapertura di e refineria ta den stand bay aworaki.

El a indica cu estudio cu a wordo haci ta a base di crecimiento economico riba otro paisnan cu a introduci e tipo di servicio aki. Considerando cu nos tin un poblacion di alrededor di 110 mil habitante y plus 1.8 miyon turista pa aña, esey ta e mercado pa e ferry. Unabes cu tin un mercado grandi e gasto di produccion ta baha. Nan ta factornan cu nan tin den consideracion pa bin cu e servicio di ferry pa e islanan ABC.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Sharina Henriquez (hefe di redaccion)
Cristian Soto Garcia (hefe suplente)
Nicola Gonzalez (redactor ehecutivo)
Esther Kiks-Martinus (redactor ehecutivo)

Redaccion

Benjamin Romero
Leo Maduro
Efraim Odor
Luis Villegas

Ehecutivo di Benta

Marijke Croes-Luidens
Mary Ann Oduber

Fotografo

Dino Tromp

Aviso y Arte

Sandra Loefstop
Lisa Tromp

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reprodu sin permiso di editor.



Editorial

Sindicalismo birando mas fuerte? *Of e ta un fenomeno limita?*

E referendum teni recientemente na un banco a capta bastante atencion. Despues di hopi aña, un banco cu no tabata conoce sindicato, mester atende un situacion di negociacion obligatorio cu tabata existi caba na otro empresa di mesun sector. Pues lo mester sinta discuti contracto laboral colectivo, y nos ta desea ambos banda di mesa exito cu esey. Pa e sindicato esaki por parce manera un bunita triunfo, pero con realmente ta para cu sindicalismo na Aruba? Anto especificamente den sector priva, pasobra den sector publico ta conoci cu e sindicatonan ta sumamente fuerte y ta percura pa tur y cualkier gobierno tuma bon nota di nan. Pero den sector priva anto, kico ta e situacion, tambe tumanando na cuenta e tendencianan internacional.

Pa cuminsa cu e ultimo aki, nos por nota cu den hopi pais sindicalismo no a progresa tanto den e ultimo decadanan. E motibonan ta varia bastante. Na paisnan cu ta golpia pa desempleo structural, cu un desempleo mas grandi ainda entre e poblacion hoben, pertenece na un sindicato y subi baricada conhuntamente ta parce un opcion cu hopi trahado no kier tende; ta mas importante pa nan percura mantene nan empleo, si nan a logra haya uno. E fenomeno aki nos por mira na un pais manera Spaña, unda desempleo grandi y structural a debilita e poder sindical bastante.

Tambe nos por mira por ehemplo na Europa e fenomeno di uitzendbureau surgi, por cierto pa un bon parti bao di influencia Hulandes unda e fenomeno di trabao temporal a tuma un vuelo grandi, sigui pa otro paisnan unda e cadenanan Hulandes di uitzendbureau a bira un exito bastante grandi. Nos tambe a cera conoci cu e fenomeno aki, cu regularmente ta obheto di critica y discusion aki tambe. Cu un proporcion considerabel di bo trahadonan riba trabao temporal cu por termina na cualkier momento, esey no ta un base pa sindicato tuma proteccion laboral na nan encargo.

Pero tabatin mas influencia den esaki. Nos mester tuma na cuenta cu den ultimo 20 aña e aumento di empleo no tabata tanto den e hotelnan por ehemplo, sino den e sectornan di servicio, cu parcialmente ta liga na e sector turistico y parcialmente no. Mientras cu den e sector hotelero mes e relacion cu sindicato ta existi den mayoria di caso pa hopi aña caba, e sector di servicio ta uno dificil pa organisa, pasobra ta trata di un cantidad grandi di empresa relativamente chikito, cu den mayoria di caso no ta organisa cerca un sindicato. Un

ehemplo di esaki ta e sector di restaurant, unda no tin tanto estabilidad di empleo, aunke tin excepcion naturalmente, pasobra tin varios cu no ta sobrevivir pa mucho tempo. Nos por corda ainda e caso di Señor Frogs, unda no tabatin nada di haci pa e empleadonan.

Tambe sectornan manera construccion ta keda un reto pa sindicato logra algo, pa motibo di e gran cantidad di empleado cu ta traha cu contract pa duracion di un proyecto, y despues, nada. Esaki nos por a mira recientemente tambe cu e empleadonan di e contratistanan riba tereno di e refineria.

Den e sentido aki anto, nos por considera e incorporacion di e banco riba e lista di compania mas grandi cu tin contracto colectivo cu nan empleadonan, como un caso riba su mes, y no ta cambia tanto na e imagen cu un gran mayoria di empleado den sector priva no tin relacion cu ningun sindicato. Esey no ta bay cambia asina facil tampoco, pasobra sindicato den sector priva no tin tanto capacidad di operacion pa por atende un gran cantidad di miembro, plama riba un grupo grandi di empresa chikito. Esey no ta kita cu net den e sectornan aki tin bastante abuso, sin cu e trahado tin algun apoyo den esaki. Normalmente lo bo bisa pa nan bay na e departamento gubernamental encarga cu e tarea aki, pero hopi trahado den problema no ta haci esaki, parcialmente pasobra nan ta laga e reputacion legendario di e departamento desanima nan. E solo hecho cu e ministro nobo mes tabata considera habri un bentana pa keho na su despacho ta papia pa su mes.

Pero, por ripara cu na e pais inventor di e uitzendbureau mes ta cuminsa lanta opinion contra e fenomeno di trabao temporal. Mientras cu hopi dunado di trabao ta pensa cu ta facil y bunita pa tene mayoria di nan empleadonan riba un contract temporal, esaki tin su desbentaha tambe, sigur si den e sector den cual e empresa ta opera, haya empleado bon ta dificil. Anto bo ta haya e fenomeno, cu bo ta perde bo trahado temporal pasobra el a busca un miho destino, net ora bo a kere cu e ta bay keda toch. Esaki tambe ta un menasa pa estabilidad di un empresa. E unico problema ta cu por tarda bastante prome nos mira e contra corriente aki yega na nos porta, cu por percura pa mas empleo stabiel. Tanten, influencia di sindicato ta keda algo limita den e totalidad. Un alternativa pa por tin mas proteccion ta mehora e nivel di conocimiento di e trahadonan mes, pa nan por defende nan mes miho. Tin trabao pa haci.

Brasil: Cada 4 ora y mey un trahado ta muri den accidente di trabao

(JornalDoBrasil) – Desde inicio di 2017, por lo menos un trahado Brasileño ta muri cada cuatro ora y mey como victima di un accidente di trabao. E dato aki ta di e observatorio digital di salud y seguridad di trabao, desaroya pa Ministerio Publico di trabao (MPT) y pa e organizacion internacional di trabao (OIT; ILO), di cual e resultadonan actualisa a keda presenta dialuna 5 di maart.

Basa riba informacion poni disponibel pa varios organo publico, e observatorio ta calcula cu, entre inicio di aña pasa y 14:00or dialuna, a registra 675.025 notificacion di accidente di trabao, y 2.351 notificacion di morto.



Di acuerdo cu e observatorio, entre 2012 y 2017, seguro social a gasta mas di R\$ 26,2 biyon (US\$ 8biyon) na pago di gasto medico relaciona cu accidente, pago pa discapa-


cidad, y pension pa morto di trahado. Aparte di esey, basa riba e calculonan di OIT e procurador di trabao y co coordinador di e laboratorio di manejo (SmartLab di Tra-

bao Decente), Luis Fabiano de Assis, a afirma cu e pais ta perde anualmente 4% di su Producto Interno Bruto (PIB) na gasto causa pa practica pover den seguridad na trabao.

Segun Assis aña pasa e perdanan general den economia cu accidente na trabao tabata e ekivalente di R\$ 264 biyon. Pa e procuradornan di trabao, e cifranan ta alarmante y ta apenas e punta di e ijsberg y no ta representando e dimension real di e problema. Assis ta bisa tambe cu e registracion di notificacion no ta cayendo. “Ora nos analisa e cantidad di trahado exponi na riesgo di accidente, e cantidad di contract laboral existente, e cantidad di accidente

no a cay compara cu 2016.” Analisa segun sector, e notificacionnan mas halto tabata bin di sector di hospital y atencion di salud, publico y priva, unda a registra 10% di e total. Despues ta sigui comercio detayista (3,5%); administracion publico (2,6%); post (2,5%) y construccion (2,4%), sigui pa transporte di carga (2,4%). Entre e profesionnan cu mas victima tin esunnan cu ta traha den linea di produccion industrial; e enfermeronan; trahado di limpieza; helper den construccion y conductor di truck. Esunnan cu ta traha den contacto cu mashin y aparato tin mas chens di accidenta y di sufri herida mas grave.

Guatemala: Ta traslada embahada na Israel pa Jerusalem



(Infobae/AFP) - **Presidente Jimmy Morales a anuncia cu Guatemala lo habri su embahada nobo na Jerusalem dia 16 di mei proximo, dos dia despues cu ta celebra e di 70 aniversario di estado di Israel y despues cu e embahador Mericano lo instala su mes na e Ciudad Santo.**

“Nos a duna instruccion pa dos dia despues cu Merca traslada su embahada, Guatemala bolbe y hiba su embahada permanentemente pa Jerusalem”, asina Morales a anuncia durante su discurso den e reunion anual di e comite Mericano-Israeli di actividad politico (Aipac), celebra den e dlanan aki na Washington.

Morales ta bolbe sigui e pasonan di presidente Donald Trump, cu na februari a

anuncia su intencion di habri e sede diplomatico nobo na Israel, cu na un principio apenas lo conta cu un delegacion chikito pa dia 14 di mei, coincidiendo cu e emblematico aniversario.

“Mi kier gradici presidente Trump pa lidera e caminda. Su decision a guia nos pa haci lo corecto”, e mandatario Guatemalteco a reconoce, cu a resalta cu mas importante cu di ta e prome, ta haci lo corecto. A pesar cu e decision di reconoce Jerusalem como e capital di e estado di Israel a causa e rechaso di un bon parti di comunidad internacional, Morales a muestra convenci cu den futuro hopi pais lo sigui e pasonan di Merca y Guatemala.

Durante su discurso, e mandatario Guatemalteco no a duda den resalta e importan-

cia di e relacion cu su pais ta mantene cu Israel, desde cu na 1947 e nacion Centro Americano a reconoce su creacion.

Morales a destaca e asuntunan den cual ambos pais tin interes comun, mencionando e lucha contra terrorismo y narcotrafico, e seguridad na frontera y e respet pa derechonan.

E presidente Guatemalteco a probecha tambe di su biahe pa Washington pa reuni cu prome ministro di Israel, Benjamin Netanyahu, cu ta na Washington pa asisti na e mesun conferencia y pa reuni cu presidente Trump.

Na su turno, e vocero di ministerio di Exterior di Israel, Emmanuel Nahshon, a bisa ayera cu e anuncio di presidente Jimmy Morales, ta valiente y visionario.

Venezuela: Cuatro di cada dies Venezolano tin pensa di bandona nan pais

(lapatilla.com/AFP) - **Cuatro di cada 10 Venezolano tin planea pa bay di Venezuela den e proximo 12 luna pa scapa di e crisis economico grave, segun un estudio di e compania di encuesta Datos Group.**

“Hende ta bay pasobra nan no por come”, e director di e empresa, Luis Maturen, a bisa AFP splicando e resultadonan di e sondeo.

E Venezolanonan ta enfrenta un crisis cu ta combina escasez di tur tipo di bienes basico, y un hiperinflacion cu segun IMF por yega te 13.000% na 2018.

E migracion ta relaciona cu e buskeda di entrada na divisa stranhero pa sostene e miembronan di famia cu ta keda na e pais, mirando e collapse di e moneda local, e bolivar.

Di acuerdo cu e investigacion, actualmente e remesanan, placa manda pa famia den exterior, ta na US\$ 289 miyon pa aña, loke ta 0,1% di e Producto Interno Bruto.

“42% ta bin di Europa y 40% di Norte America, y nos ta bay mira un incremento di paisnan di Latino America”, segun Maturen.

E sondeo, realiza entre 4 di januari y 2 di februari entre 2.074 persona, ta calcula cu tres miyon Venezolano ta ricibi placa di famia den ex-

terior, loke ta representa 14% di e poblacion. Ademas, 5% a bisa cu nan a ricibi medicina y alimento di exterior.

E volumen di remesa di Venezuela ainda ta abao compara cu otro paisnan, pero e pronostico ta muestra cu pa fin di 2018 esaki por ta dobel. Na su huicio, e perdida di poder di compra ta dividi e pais entre esunnan cu ta ricibi divisa y esunnan cu ta sobrevivir cu bolivar.

Destrosa pa e hiperinflacion, e salario minimo di 1.307.646 bolivar ta igual na 36,6 dolar na cambio oficial y na 6,1 dolar riba mercado preto.

E crisis politico no ta figura entre e principal preocupacionnan di e Venezolanonan. “E prioridad ta sobrevivir, pues 40% a manifesta como principal preocupacion e costo halto di bida y 29% ta menciona e desabastecemento,” e experto ta afirma.

Tomás Paez, sociologo especialista den migracion, ta sigura cu entre 400.000 y 500.000 Venezolano a bandona e pais den e dos ultimo añanan.

Durante e periodo ey e crisis a profundisa, specialmente pa e caida di e di prijs di petroleo, loke a baha entrada di gobierno drasticamente, y e caida di e produccion interno, cu a provoca escasez.

Bahamas: Gobierno ataca riba deal pa construi refinaria y terminal

(CaribbeanNewsNow) – Ex ministro di Grand Bahamas, Dr Michael Darville, a bisa diabierna pasa cu e ta sumamente preocupa cu cierto condicion den un ‘heads of agreement’ cu gobierno di Bahamas a firma cu un compania yama Oban Energies, pa construi un refinaria di varios biyon dollar y un terminal di crudo na Grand Bahamas.

Darville, cu tabata forma parti di e gabinete di prome ministro Christie, cu a acorda e proyecto en principio, a bisa cu e hecho cu gobierno di prome ministro Minnis a firma e acuerdo sin cu tabatin un Environmental Impact Assessment (EIA) ta un asunto di peso.

Di acuerdo cu e convenio, cu tabata riba agenda di parlamento diahuebs pasa, gobierno lo no por termina e acuerdo basa riba cualkier EIA, pero lo mester traha cu e compania pa mitiga e



preocupacionnan. E clausula aki ta un preocupacion grandi pa Darville. E ta haya cu gobierno mester a haci su due diligence pa sigura cu e EIA tabata adecua pa e lugan proponi prome cu firma. Pa purba sali di e asunto awo, por implica caso den corte o algun otro problema si nan purba di sali di e deal, segun Darville. A resulta despues di e firmamento cu e clausula ta existi. E firmante pa Oban, Peter Krieger a sigura cu e informe di impacto ambiental lo ta cla den 45 dia.

Gobierno a firma e acuerdo cu un persona intermediario, Peter Krieger, cu no ta aparece riba lista di empleado di e compania Oban Energies. Critica tabatin tambe riba e persona Peter Krieger, cu ta bisa cu e no tin un posicion oficial den Oban Energies pero cu e ta un ‘tipo di embahador’. A aparece den diferente articulo prueba cu Krieger tabata involvi den diferente caso na Merca di desfalco, entre otro. Den un di e casonan el a paga pa un areglo den e demanda contra



su persona. E acuerdo ta bisa cu ora e compania termina e EIA, e gobierno tin 60 dia pa reacciona. Di su banda si e compania tin e derecho di bandona e proyecto. Darville a bisa cu e lo no a firma e acuerdo sin un EIA riba mesa pa sigura cu e proyecto ta viabel y cu protocolnan di seguridad ta aplicabel pa proteha medio ambiente den e area sensitivo unda e proyecto ta bay ta.

E proyecto ta trata di construcion di un refinaria y un terminal pa warda cru-

do y producto petrolero. E proyecto ta encera un inversion di US\$ 5,5 biyon, pa un refinaria di 50.000 bari pa dia di capacidad, y un facilidad di deposito di 4 milyon bari. Oban Energies LLC ta un compania registra na estado Florida, y estableci na Palm Beach Gardens. No tin indicacion cu esaki ta un compania cu e capacidad tecnico y financiero pa ehecuta un proyecto asina grandi, cu normalmente ta pa e empresanan mayor den e sector petrolero.

Mexico: Discusion cu Merca ta sigui tambe riba narcotrafico y liber comercio

(Infobae) E secretario (ministro) Mexicano di Relacionnan Exterior, Luis Videgaray, a sali reaccionando riba e acusacionnan di presidente Donald Trump, cu ayera dialuna a acusa e pais bisiña di no a haci lo suficiente pa evita narcotrafico. “E trafico ilegal di droga ta un responsabilidad comparti entre Mexico y Estadonan Uni”, Videgaray a responde, kitando


asina e culpa cu e mandatario Mericano a tira riba Mexico. “Solamente trahando hunto riba e oferta y demanda lo por termina cu e fluho ilegal di droga, placa y arma entre ambos pais”, el a añadi riba su cuenta di Twitter. Videgaray a publica e tweet un ora despues di e mensahe publica pa Trump, den cual el a critica gobierno Mexicano. “Mexico mester haci hopi mas pa detene e trafico di droga pa Merca.

Nan no a haci loke mester a haci. Miyones di persona adicto y muriendo”, el a reclama.

E mandatario Mericano ahaci su critica memey di un presion riba e negociacionnan di e tratado di liber comercio di

Norte America. A pesar cu e reunionnan no tabatin gran avance, Trump a haci e postura di Washington mas duro y a utiliza e tarifanan aumentada pa importacion di staal y aluminio como herment pa busca un acuerdo mas husto.

Den e prome oranan di dialuna, e peso Mexicano a cay den balor mientras inversionistanan tabata mantene nan atencion riba e conclusionnan di e di shete buelta di renegociacion di e tratado.



INTERUPCION DI CORIENTE

En conexion cu trabaonan necesario, coriente lo wordo interumpi:

**Diahuebs
8 maart, 2018**

8:00 'or a.m. te cu 4:00 'or p.m.



VECINDARIO

- Palm Beach (un parti)
- Salinja Cerca (un parti)
- Monserat (un parti)
- Noord (un parti)
- Kamay (un parti)
- Caya Cocolishi
- Caya Cabaron
- Caya Cleoconchi
- Caya Cangreuw
- Caya Calco

Elmar ta pidi disculpa pa e inconveniencia cu e interupcion aki por causa.

Subsidio considerabel pa tarifa di awa di bebe

KARALENDIJK - Entrante prome di april, un sistema nobo di tarifa pa awa di bebe y electricidad lo ta na vigor na Boneiro.

Mientrastanto e tarifanan nobo pa awa di bebe ta conoci. Pa limita e consecuencianan negativo pa medio di e cambionan aki Ministerio di Infrastructura y Atministrashon di Awa Publico (I&W) y Water- en Energiebedrijf Bonaire NV (WEB) a logra cu den 2018 un rebaho di 85% riba e tarifa di uzo fiho conta pa casi tur uzado. Banda di esey, uzadonan intensivo lo experencia un bentaha como cu e tarifa variabel progresivo actual ta disparce, y tur uzado ta bay paga mes prijs pa unidad di m3 cu uza.

Entrante prome di april 2018, Autoriteit Consument en Markt (ACM) a stipula e tarifanan maximo nobo pa electricidad y awa di bebe na Boneiro. Esakinan ta basa riba un sistema di tarifa nobo segun Lei Electricidad y Awa di Bebe BES cu a drenta na vigor prome di juli 2016. Den esaki a introduci un sistema di tarifa nobo cu un tarifa di uzo fiho, un tarifa di uzo variabel, un tarifa di conexion y un tarifa di reconexion (despues di tabata desconecta) cu Water- en Energiebedrijf Bonaire NV (WEB) for



di prome di april 2018 ta cobra consumido pa cubri su gastonan di produccion y entrega di electricidad y di awa di bebe.

A base di Lei Electricidad y Awa di

Bebe BES, ACM tin e tarea pa stipula tarifa pa cubri gasto. Entre otro ACM a calcula cuanto ta Costa WEB pa produci awa di bebe y finalmente a calcula cuanto ta costa WEB pa en-

trega e consumido awa di bebe.

Diferencia importante

Den e sistema di tarifa actual, pa gran parti e gastonan pa red y uzo ta mara na uzo di awa di bebe. Pues na e momento aki, consumidonan ta paga montante pa m3 den cua a procesa gasto di red y gasto di uzo. Den e sistema nobo cu ta drenta na vigor prome di april 2018, a separa e gastonan aki. A calcula e gastonan cu WEB ta haci pa red y pa entrega di awa di bebe na cliente den e tarifa di uzo fiho. Pa e tarifa di uzo fiho aki, grandura di e capacidad di conexion di un consumido ta determina altura di e tarifa.

A calcula e gastonan cu WEB ta haci pa produccion di awa di bebe den e tarifa di uzo variabel. E tarifa di uzo variabel ey ta mescos pa tur cliente: tur hende ta paga mes tarifa pa meter cubico di awa di bebe.

Na maart clientenan di WEB a ricibi informacion tocante e capacidad di conexion di e conexion di awa y electricidad.

Pa clientenan cu ta haya awa di bebe cu truck ta conta cu a desconta e compensacion fiho cu e tarifa di uzo variabel te na un tarifa variabel (m3). Pa truck di awa tambe a logra un rebaho significant pa m3, esta 75%.

Seminario di CaPAs riba comunicacion y participacion na e fondonan di pensioen



WILLEMSTAD - E fondonan di pensioen mester por comunica bon, entre otro pa nan por duna sosten na e participantenan cu ta spaar pa nan pensioen na momento cu bira necesario pa tuma decision cu tin di haber cu nan pensioen y tambe na momento di haci planifi-

cacion financiero. Esaki segun e comunicado di Caribbean Pension Funds Ass.

Comunicacion y Participacion ta e retonan actual pa e fondonan di pensioen y pa e motibo aki, esakinan ta e temanan durante e di tres seminario organisa pa e aso-

ciacion di e fondonan di pensioen di Caribe, CaPAs.

E oradornan di ordo Steven Schuit y Guus Wouters lo amplia riba e reto pa e fondonan di pensioen pa mantene contacto cu nan participantenan uzando e medianan adecua y na un frecuencia optimal. E seminario ta tuma luga 21 di maart 2018 na Corsou su Cinemark den Sambil. Cu e seminario aki CaPAs ta yuda promove e relacion entre e diferente stakeholders entre nan e organisacionnan afilia na e fondonan di pensioen, e miembronan activo y tambe e pensionadonan. Alabes esaki ta un contribucion positivo na e conscientisacion riba pensioen den nos comunidanan di Caribe Hulandes.

Sr. Schuit y sr. Wouters Sr. Schuit ta un profesor den Governance and Responsibility na Nyenrode Business University. E ta profesor emerito na Universidad di Utrecht, dunando e estudio International and Commercial Law.

Sr. Wouters a traha henter su trayectoria den sector di Siguridad Social y Pensioen. E ultimo shete añanan e ta-



bata e director di fondo di pensioen Metaal en Techniek (PMT) cu ta maneha un fondo di casi 70 biyon Euro.

For di e aña aki e ta funciona parcialmente como presidente independiente di e fondo di pensioen Wonen. Despues di nan introduccion e dos oradornan lo participa na e discusion di panel pa asina hunto cu e profesionalnan riba e tereno di pensioen y comunicacion nan por inter-

cambia di pensamiento cu publico riba e tema importante aki.

Tocante CaPAs

E asociacion di fondonan di pensioen di Caribe (CaPAs) a wordo lanta na juni 2015. CaPAs ta atende cu e interesnan di e sector di pensioen den Caribe Hulandes, ta stimula e colaboracion entre e fondonan di pensioen y ta organisa curso riba e tereno di pensioen.

Stef Blok minister nobo di Asuntonan Exterior

DEN HAAG - Stef Blok ta e minister nobo di Asuntonan Exterior na Hulanda. E ta sigui Halbe Zijlstra, cu a retira par di siman pasa pa via di a gaña tocante un bishita na e president di Russia, Vladimir Poetin.

Segun Curacao Chronicle, e minister aki tambe ta representa e interes di Corsou, Aruba y Sint Maarten, pa ehempel, e visa policy pa nos islanan, pero tambe e relacion cu nos tin cu Venezuela (cual ta bou tension ultimo tempo).

Selikor kier elimina dump ilegal



WILLEMSTAD - Selikor a anuncia cu nan lo cuminsa cu limpieza di dos dump ilegal na costa Nort di Corsou, e fuente Curaçao Chronicle ta bisa.

Na e dos localidad aki, ciudadanonan ta dump sushi ilegal banda di aeropuerto y e costa na Ronde Klip. Selikor a laga sa cu e luganan aki ta contamina na un manera masha lihe mes.

“Esakinan ta areanan remote cu turista tambe ta bishita, no solamente e ta un peliger pa e salud di hende, pero tambe pa e eco-sistema y como destinacion pa turista, cu ta bishita e isla”, segun Selikor. Pa via di limpia tur e sushi, Selikor ta spera pa elimina e dos dumpnan ilegal. E pregunta ta keda, si ciudadanonan ta bay stop di tira sushi y crea un dump ilegal atrobe.



Den e gabinete anterior, sr. Blok (53) tabata minister di ‘Wonen en Rijksdiensten’ y Siguridad y Husticia. E no ta conoci pa tin un afinidad exagera cu e islanan ABC. Na 2011 el a presenta un iniciativa pa eleva un ‘treshold’ pa e Hulandesnan Caribense cu kier establece na Hulanda, e asina yama ‘Bosmanwet’.

Na 2016, mayoria di e parlamento Hulandes a vota contra e ‘Bosmanwet’. Dos aña pasa el a traha como minister di Asuntonan Interior pa reemplasa Ronald Plasterk. Na october aña pasa, sr. Blok a bisa ayo como politico pa haci algo diferente. Diabierna binidero, probablemente e lo huramenta.

WITH EVERYTHING AND FOR EVERYONE



1.5L Engine, 4-speed automatic, Power locks/windows/mirrors, A/C, Front airbags, Remote audio and phone controls, Radio 4,2"screen, MP3/USB/AUX/Bluetooth, 4 speakers, Enhanced suspension ride, Fog Lamps, 15 inch aluminum wheels, Power brakes with ABS, Immobilizer, Sunroof (LTZ) and much more...


*Available trim levels are: LT and LTZ. Featured trim in this ad is the LTZ package.

**THE ALL-NEW
CHEVROLET AVEO®**

FIND NEW ROADS™

CHEVROLET 

STERN

TANKI LEENDERT 122, ARUBA
T: 582-3838  CHEVROLET ARUBA

Clasificado Economico

PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22

TA HUUR na Rooi Bosal un trailler 2 camber, 1 baño, sala y cushina ta hunto "no muebla" pa mas info Tel. 592 7934	TA BUSCA Trabou pa haci cas limpi of pa cuida mucha y hende grandi. No interna Tel. 641 1332	SERVICIO PUBLICO Buscando auto pa huur y na bon prijs? yama nos Tel. 593 9953/ 593 8453	SERVICIO PUBLICO Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs Tel. 738 1908	TA BENDE SUV Mitsubishi Montero den bon estado Afl.5.500 Pa mas informacion por yama Tel. 593 8420
TA BENDE un auto marca Chevrolet modelo Epica, aña 2007 aut. Excelente condicion Tel.592 5462	SERVICIO PUBLICO Se ofrece enfermera para cuidar a ancianos o discapacitados Tel. 566 3098	TA HUUR Apartment camber, sala, cushina, baño. Inclui wifi y cable. Fls.800 + 1 luna borg Tel. 568 7779	TA HUUR Studio na Aruba Beach Club por acomoda 4 pers. Siman 28 di July prijs: \$750 Tel. 582 2320	TA HUUR En Seroe Blanco habitacion con cocina y baño independiente para una persona (dama) Renta :600 fl deposito 600fl servicios aparte Tel. 562 3006
TA BENDE Un Terreno propiedad cu ca- minda di klinkers na Tamarijn pa traha e cas di bo soño Tel.582 8080	TA HUUR Apto na Tanki Leendert full muebla Afl.1.200 + deposito awa + coriente apart Tel. 733 3322	TA HUUR Apartamento di 2 camber full muebla na Seroe colorado. Pa info pls. Yama Tel.5698007	TA BENDE Appartment complex (5) + 1 cas Guyabastraat Afl.375.000 Cel. 592 9966	SERVICIO PUBLICO Barata Barata Nos ta chapi, lanta sushi, spuit veneno, corta mata, na bon prijs Arubiano balente Call 592 5766
SERVICIO PUBLICO Mr. Facunda clarividente/ Santero. Tur problema tin solu- cion trabou 100% garantisa Reuni amor, kita mala suerte Tel: 740 2206	SERVICIO PUBLICO ta drecha tur sorto di Imagen Tel. 584 2489	SERVICIO PUBLICO Se ofrece enfermera con experi- encia para cuidar adulto o niños discapacitados Tel: 566 3098	TA BENDE Guitara cuarta di + papa Hart, awg.75 Cel.742 5845	TA BENDE Varios Terrenos propiedad di diferente tamaño na Tamarijn cu caminda di klinker. Tel. 582 8080
SERVICIO PUBLICO Mi ta ofrece servicio di electricista, electricidad en general, problema cu corto circuito y mantencion Tel. 566 5026	TA BENDE Cashi di baño blanco cu spiel sin wasbak Avg.275,00 Tel. 593 2952	SERVICIO PUBLICO Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	GRATIS Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc Tel. 561 4297 / 561 5179	SERVICIO PUBLICO Ta furra tur sorto di stoel tambe dashboard di auto/porta Trabouw garantiza, hopi varie- dad di tela Tel. 746 0518
TA HUUR Studio Apartment 750 + 1 luna Muebla pa 1 persona. Tur cos inclui Tel. 741 8637	SERVICIO PUBLICO Mi ta ofrece pa cuida mucha y hende grandi, haci cas limpi, mentenimento di beauty salon, ayudante di cushina, vendedora Tel. 748 7066 /748 7041	SERVICIO PUBLICO Master Nails Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	TA HUUR un Aptm di 1 camber pa 1 per- sona, Companashi Afl.750 + 1 luna di deposito, ecl. utilidades no muebla Tel. 592 9966	SERVICIO PUBLICO Pa tur di trabou di verf sea cas of negoshi . Trabou garantiza Tel: 561 5597

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia24.com

TA BENDE un cas na Wayaca Residence 3 camber, 2 baño. Afl.525.000 (negociable) Tel. 592 9966	TA BENDE un cas + espacio comercial of aptn na Caya Betico Croes 950 m2 tereno, construi 635 m2 Tel. 592 9966	TA BENDE un mesa di comedor cu 6 stul Afl.450 Tel. 592 9966	TA HUUR La Cabana Timeshare 1 camber di 29 di maart te 6 april Semana Santo Tel. 583 8132 / 641 6184	TA BENDE Tereno na Tanki Leendert 1000 m2 eigendom Afl.175.000 Tel. 593 2952	TA BENDE cas situa na Socotorolaan 25 3 camber cu closet, 2 baño, sala comedor, cushina, porch, cura. Prijs taxatie rapport Aw.278.000 Prijs pidi den man Avg. 225.000 Tel. 593 0909
TA BENDE Cashi di palo color bruin 1.20 cm x 2.17 cm lachi na banda shelf y lugar pa colga paña Prijs awg 300,00 Tel. 593 2952	TA HUUR Studio di 29 di maart te 6 april Semana Santo Tel. 583 8132 / 641 6184	TA HUUR Appartment amoblado 2 camber. Ponton Tel. 745 0559/ 733 4033	TA BENDE Tereno comercial na TL. Prijs 175,00 m2 Uno di 1056 m2 awg 273.300,00 otro di 1000m2 awg 175.000,00 Tel. 593 2952	TA BENDE Tereno propiedad na Paradera cu caminda di klinker. Por traha bo mesun modelo di cas Tel.582 8080	

Clyde Harms:

‘Jesús David Medina a gana su di dos Grammy’

ORANJESTAD - Esunnan cu a asisti e concierto di Aruba Symphony Festival ta reconoce Jesus David Medina. Jesús ta duna les di fiyo na e festival y ta toca den e orkestra sinfonico. E ta e man drechi di Simon Gollo, e director di e Festival. Caminda cu tin mester di algo wordo haci, Jesús David t'ey.

Jesús David ta un gran musico cu ta bin di un famia di musico. Ken por lubida su actuacion abordo di Freewinds hunto cu Maria Gabriela Rodriguez y German Marcano dia cu el a muestra su dexteridad tocando hasta 7 instrument uno tras di otro. Tambe nos ta corda Jesús David como e violinista di e grupo di e festival cu a haci e Flash Mob na Superfood.



Jesús David, un Tachirenses di nacemento y criansa, ta areglista tambe. Pa e disco ‘Arriba Abajo’ di e compositor Colombiano Andres Salguero cu a gana e Grammy di 2016 como e miho disco di musica infantil, Jesús David a haci e areglo pa e seccion di cuerda. El a wordo toca pa Venezuelan Strings Recording Ensemble cu ta un sexteto di cuerda cu Jesús mes ta dirigi tambe.



Pa nan participacion, nan tambe a ricibi un Grammy.

Un poco tempo despues, e artista Argentino Fernando Otero kier a graba Sólo Buenos Aires un disco di tango. Aunke e ta biba na New York, el a contrata Venezuelan Strings Recording Ensemble pa haci e parti di cuerda. E disco a wordo nombra e miho disco di tango di 2017 y Jesús David y e otro miembronan di e sexteto a gana di dos Grammy den dos aña consecutivo. E gubernacion di e estado Tachira tambe a reconoce e logronan di e grupo y a condecora tur seis den e orden de las Artes Culturales Marco Antonio Rivera Useche.

Nos ta felicita Jesús David Medina cu su logronan y nos ta spera di mir'e na e Aruba Symphony Festival e aña aki atrobe.



Auto a cay den greppel

TANKI FLIP - Dialuna anochi riba e caminda di Tanki Flip pa Hato un turista manehando un Chevrolet SUV a perde control y cu consecuencia a bay cay den e greppel cu tin banda di caminda. E ningun hende no a resulta herida, personal di roadservice a presenta pa atende cu e situacion y polis di trafico a tuma dato.



Ministro encarga cu Salubridad ta anuncia cu entrante 07 maart 2018 durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, Schotlandstraat 53, di un peticion cu a ser haci pa obtene un koffiehuis- y un restaurantvergunning A pa e parcela Caya Taratata 15, lokaal 13 Coral Plaza. E permisonan aki ta concerni e.o. benta di bebida sterki por detel y cuminda pa wordo consumi den e parcela. Durante dicho periodo aki tur hende por expresa por escrito nan obhecion contra duna-mento di e permisonan menciona, dirigi na e Ministro encarga cu Salubridad, via intermediacion di Director di Departamento di Legislacion y Asunto Huridico, Schotlandstraat 53.



ANUNCIO – BLBA/055/18

Mediador di Gobierno na Aruba ta anuncia a base di articulo 15, inciso 1 di "Arbeidsbesluit III" cu e referendum menciona aki bao, tabata tin e siguiente resultado:

Fecha referendum	: Diahuebs, 1 di maart 2018
Numero EMPRESA	: "Caribbean Mercantile Bank N.V."
Cantidad empleado cu derecho di voto	: 197
Voto valido	: 125
Na favor di FTA	: 122
Na favor di Ningun bond	: 3
Voto blanco	: 0
Voto invalido	: 0
Resultado di referendum	: FTA <u>Si</u> a haya e mayoria

Aruba, 5 di maart 2018
Mediador di Gobierno
Anselmo Pontilius

Homber cu tabata draai auto manera loco



YARAWEG - Polisnan a keda manda cu urgencia na Yaraweg pa yuda un colega cu a bay hala atencion di un chauffeur coriendo irresponsabel den un auto berde. Na e sitio a resulta cu e homber ta bou influencia di alcohol y riba dje tabata draai manera loco. E oficialnan a detene y hiba warda di Polis.

Personanan indocumenta cu basta placa den auto



NOORD - Dialuna durante oranan di marduga patruya di Noord a para un Chevrolet cora cu cuatro homber aden cu tabata tin basta rato ta core

rond den area di hotel.

Ora cu e oficialnan a para e auto, dos di homber a baha



for di auto y a cuminsa core pa e oficialnan, aki ta unda a solicita refuerzo policial. E oficialnan a logra detene tur tres homber y a resulta cu nan ta stranhero indocumenta.

Un di nan mes a admiti cu e ta na Aruba paso danki na Maduro cu tin e situacion malo na su pais Venezuela cu

e no por cria yiu y e ta aki pa traha pa asina e por cria su yiu. Durante cu polis a rista e auto, nan a haya basta articulo y bastante placa. Esaki a conduci cu a detene un di cuater persona cu ta e chauffeur. Aki ta unda e tin cu bay duna cuenta pa e placa y su amigonan ilegal. E auto a keda tuma den confiscacion pa recherche pa investigacion.



BONDIA ARUBA **TODAY**

Caribbean Speed Printers NV ta en busca di un candidato pa e posicion di:

Periodista

Caribbean Speed Printers NV ta un compania local estableci na 1991, editor di e medionan Bon Dia Aruba y Aruba Today. Nos ta suministra noticia y otro contenido via nos medionan digital y print.

Responsabilidad principal:

- Crea noticia for di su concepto te na su implementacion segun reglanan di calidad di periodismo independiente y di nos compania
- Crea y mantene contactonan nobo
- Sigui training interno
- Participa den un team
- Traha etico y responsabel

Rekisitonan:

- Scol di periodismo (nivel bachelor) y/of experiencia den periodismo y/of nivel havo y disponibel pa siña e trabou di periodismo
- Por produci contenido pa nos medionan digital y print; skirbi noticia y otro informacion; (siña) traha cu audio y video; traha cu social media y Wordpress ta un plus
- Conocemento y interes general di Aruba (social, legal, cultural, economico, politica, etc.)
- Un mente investigativo y critico
- Determinacion y persistencia
- Mester tin habilidad pa traha independiente como tambe den ekipo
- Mester por papia y skirbi Papiamentu y Ingles riba nivel bon. Mester comprende Hulandes y Spaño.

Nos ta ofrece:

CSP NV ta ofrece un posicion unda por crece den un ambiente dinamico. Salario y beneficianan ta di acuerdo cu e nivel di experiencia y educacion di e candidato.

Si bo ta interesa, por fabor manda bo carta di solicitud y CV na atencion di HR Department, Weststraat 22, Oranjestad, Aruba of via e-mail pa: human.resources@cspnv.com

Pa mas informacion riba e posicion, tuma contacto cu sra. M. Engelhart na telefon 582-7800.

BONDIA
ARUBA

BISA NA NO DROGA

Pronostico di tempo

Tempo:

Parcialmente nubia cu chens pa localmente un awasero pasajero

Temperatura maximo 32 grado Celsius y temperatura minimo 24 grado Celsius.

Solo lo baha awe nochi 6:49pm y lo sali mañan main- ta 06:52am.

Biento:

Zwak te modera for di di- reccion noordoost te Oost- Noord/Oost;

forsa 2 te 4 (7 te 23 km/ora, 4 te 12 nudo)

Temporalmente zwak i varia- bel;

forsa 1 (1 te 6 km/ora, 1 te 3 nudo)

Situacion general di tem- po:

Den proximo 24 ora un weer

generalmente seco lo keda prevalece cu solamente den oranan di marduga i mainta trempa tin posibilidad pa un awasero pasajero. diferenci- anan chikito den presion di aire den Caribe ta pone cu biento ta suplando zwak. den e dos mita di siman biento lo bay lanta bek.

Condicion di lama:

Olanan di lama lo ta for di di- reccion Oost- Noord/Oost cu

haltura di 5 te 8 pia; e olanan di mas halto lo ta na costanan Oost, Noord te Noord/West di e isla. den proximo dianan lama por bira mas bruto debi na labaderanan cu ta bini for di Noord- Noord/Oost. Debi na esaki un aviso pa ola- nan halto lo drenta na vigor mañan mainta 6or. Un aviso pa boto chikito lo sigui ta na vigor. Ta pidi ocupantenan di boto chikito i usarionan di lama pa tene esaki na cuenta.



DVG ta enfoca riba maneho di desperdicio y con pa mehora



ORANJESTAD - Recientemente tabata di bishita na Aruba, ingeniero civil Leandro Sandoval, esaki en conexion cu e maneho di desperdicio solido aki na Aruba. Leandro Sandoval ta trahando -segun e comunicado ricibi di Departamento di Salud Publi- co (DVG)- como consultante di Centro Pan-Americano di In- genieria Sanitaria y Ciencia Ambi- ental (CEPIS) pa e region Ameri- ca Latina y Caribe.

Sr. Sandoval a wordo invita cu e meta pa traha hunto cu e werkgroep af- valverwerking, cu a wordo instala pa minister di desaroyo teritorial, infra- structura y medio ambiente y min- ister di turismo, salud y deporte, pa traha riba un plan di maneho sosteni- bel y duradero pa aruba su desperdi- cio.

E comunicado ta sigui bisa cu sr. Sandoval su bishita tabata di 3 dia na unda departamentonan manera; Directie Natuur en Milieu, Dienst

Openbare Werken, Directie Volksge- zondheid, conhuntamente cu instan- cianan, manera Serlimar, WEB Aruba NV, a bishita diferente localidadnan na Aruba unda desperdicio ta wordo genera y deposita.

Tambe a reuni cu ministernan Otmar Oduber y Dangui Oduber y a tene reunionnan cu representantenan di EcoGas NV, Instituto Medico San Nicolas (IMSAN) y Horacio Odu- ber Hospital. Tambe a bishita entre otro localidadnan manera e dump na Parkietenbos, Ser'i Teishi, e Rioolwa- terzuiveringsinstallatie na Zeewijk y WEB Aruba NV, pa di e manera aki



e profesional di PAHO por tin un miho bista di e situacion actual na Aruba riba maneho di desperdicio y con pa mehora esaki, e comunicado ta clausura.



Hospital: Departamento di radiologia algun dia cera

ORANJESTAD - Depar- tamento di radiologia di hospital lo ta algun dia fuera di servicio, pero si lo atende casonan di emer- gencia.

Segun e comunicacion ricibi hospital, desde dialuna main- ta a constata problema serio pa loka ta e circulacion di aire na departamento di radiolo- gia hospital.

Teniendo e proteccion di pa- shentnan y alabes empleado na cuenta a dicidi pa cera por- ta di departamento di radio- logia te cu diahuebs proximo como medida preventivo, e comunicado ta bisa.

Lo atende solamente pash- entnan cu ta caso di emer- gencia y na e departamento concerni aki. Tur otro cu tin un cita planea e dianan aki lo ricibi un yamada di e de- partamento concerni pa asina planea un cita nobo. Si no por warda nos ta pidi pa pasa Imsan pa saca potret.

Un decision siguramente no facil pero necesario pa e salud di e pashent y empleado cu ta drenta diariamente departa- mento di radiologia. Spera di por resolve e problema aki lo mas pronto posibel pa asina por sigui brinda e servicio cu un y tur ta custumbra cu ne, e comunicado ta finalisa.



Jeon ta honra ATA cu bishita



ORANJESTAD - Personal di Aruba Tourism Authority (ATA) a ricibi bishita di e conocido Jeon.

Durante su bishita el a wordo yama un bonbini pa e CEO di ATA, Ronella Tjin Asjoe-Croes, hunto cu e team di ATA.

Naturalmente e momento no por a pasa sin saca diferente potret, unda un y tur a disfruta di un momento unico cu nos artista internacional di Aruba.

La Cabana a tene su Sponsor a Mile actividad

EAGLE BEACH - Recientemente e team di Activities, Pool & Beach, hunto cu otro departamentonan di La cabana, a tene e Sponsor-A-Mile. Esaki ta un actividad na unda e personal ta haci e beach limpi dilanti entre otro e hotel.

For di mainta tempran caba e teamnan tabata riba beach pa piki sushi y esaki a resulta den basta saconan cu sushedad.

E actividad aki ta tuma lugatun luna y ta diseña pa recorda tur empleadonan y huespednan pa tira nan sushi den bari y no lag'e atras riba entre otro nos beachnan.



Departamento di aña celebra na Caribbean Palm Village Resort

NOORD - Den un ceremonia special na Kiana's Restaurant na Caribbean Palm Village Resort, e departamento di aña a keda anuncia.

Dos candidato a keda honra cu e award aki; hefe di departamento di Housekeeping, Cristina Galindo y Daisy Gomez di Front Desk/ Reservations.

Nan score tabata practicamente mes un halto y p'esey miembran di e management board a dicidi di duna tur dos e Department of The Year award 2017.

Tur miembran di staf a haya un bouquet di flor y un pin pa pone riba nan blousa, pa asina tur hende por wak e bon trabou cu nan a haci pa nan departamento.



Team di Directie Natuur en Milieu a completa programa di Excelencia di Aruba

ORANJESTAD - Recientemente a tuma luga e programa di Excelencia di Aruba duna pa Aruba Certification Program (ACP), "Mi Compromiso". Aki ta unda un total di 12 persona di personal di DNM a forma parti di dje, pa asina amplia nan conocimiento di e producto Aruba. Esaki ta segun un comunicado cu nos a ricibi.

Durante di e programa aki e pregunta di Abo tawata sa cu Aruba tawata exportado di koffie na aña 1960? Tabata un sorpresa cerca mayoria di coleganan di Directie Natuur en Milieu.

Nos team a cuminsa e siman cu un excursion caminda cu a haci un recorrido na diferente luganan historico na Aruba. Nos a bishita e diferente grafnan historico cu ta data di añanan 188. Esun na Savaneta den cura di Wit gele Kruis como tambe esun na Sero Patrishi cu sigur ta data di siglo 19 y probablemente siglo 18. A haci un bishita na e minanan di oro na Balashi y Franse Pas cu ta data di aña 1899. Sigui pa bishita na e formacionnan geologico na Ayo y esun na Casibari. Durante e excursion no solamente a scucha y siña di nos historia pero tambe a logra apreciar un cantidad di flora autentico di Aruba.



Ta importante pa remarca cu nos Aruba ta asina rico na historia. ACP ta percura pa nan verifica y busca e Fuente(nan) cu sa di locual a pasa den historia. Esaki tambe ta un di e enfasisnan di e programa. E programa ta brinda informacion amplio, corecto y consistente pa asina brinda un experiencia unico y excelente na e bishitante pero tambe na nos mesun hendenan.

Pa loko ta trata nos departamento, e componentenan importante tambe tawata e splicacion di nos flora y fauna como tambe e parti di sostenibilidad. Nos departamento a amplia ariba e preguntanan manera, kico DNM mes ta haci pa cu sostenibilidad? Aki nos de-

partamento a elabora ariba e parti cu nos ta haci esaki pa medio di conscientisacion, concipia leynan, traha maneho, duna consehonan oficial y participa na actividadnan boluntario. Tur esakinan en conexion cu e tema di naturalesa y medio ambiente. Pero tambe riba e scala micro nos departamento tawata e prome cu a logra tin 100% uzo di aircro inverter. Nos ta uza led lights, nos ta baha nos carbon footprints door di asisti na reunion uzando un auto (car-pooling), nos departamento No ta haci uzo di manera cups, fork of tayanon di plastic desechabel. Nos no ta haci uzo di fax y printing na un forma minimo y critico (dos banda) esakinan ta djs pa menciona



algun.

Un di nos coleganan a bisa esaki di su experiencia di e programa: "mi a gusta e aspecto historico cultural, pero

e programa tambe a pone mi enfoca ariba e balornan necesario cu ta haci mi un miho Arubiano y pa hiba esaki unda cu mi bay".

Pepia Est a comparti logronan di F&B

ORANJESTAD - Recientemente a wordo anuncia pa Herdy Ten Lohuis, Pepia Est a converti den un embahador oficial di e marca e instituto nacional cu capacitacion den hotel WSET y Shaker. Cu colaboracion di Christian Esser, e director di e scol di biña ta bisa cu awo e compania por ofrece cursonan di biña y cocktail akinan. Durante fin di siman a tuma luga un klas si Monocular Mixology cu a wordo duna pa Mixologist Kevin Kock kende a gradua como bartender y trainer internacional di cursonan na Grand Cayman.

Aki ta unda tabata tin varios bartender cu a participa y a logra nan certificado.



Eyevan Danenberg ganado di glory 51 Rotterdam



ORANJESTAD - Recientemente e atleta di kickboxing Eyevan Danenberg ta gana Glory 51 Rotterdam Welterweight Contender Tournament! Esaki ta segun e fuente Sports zone Aruba.

Danenberg a gana dos pelea, prome tabata contra Jimmy Vienot y den final el a gana Thongchai! Eyevan Danenberg mes nunca a bishita Aruba pero su tata ta di Aruba y el a laga tur hende sa cu 'Arubiano mi ta!'.

Chronic Chaos campeon di Paintball Panama D3



ORANJESTAD - Recientemente e ekipo di paintball esta Chronic Chaos a logra titula campeon di e Paintball Panama D3 na ciudad di Panama City. Esaki ta segun e fuente pa 297 Sports.

Aki ta unda Corsou tambe a gana den division D4 bou di e number di Evolve den 507 Paintball league contra ekiponan di Panama, Colombia, Venezuela y Puerto Rico.

Jeandry Mathilda A clasifica pa weganan Centro Americano



ORANJESTAD - Recientemente e atleta di tennis di mesa, Jeandry Mathilda a logra clasifica pa e weganan Centro Americano y Del Caribe Barranquilla 2018 cu lo tuma luga na Colombia. Esaki ta segun e fuente 297Sports.

E hoben Mathilda a logra yega den e ultimo cuaternan den e semi-final cual a dun'e

e derecho di clasificacion. Jeandry ta termina e torneo na un di tres luga y cu medaya di brons pa Aruba. Tabata tin 32 atleta den e poule aki.

Esaki sigur ta un tremendo noticia pa e deporte di tennis di mesa y pa Aruba completo. Chingho Chung a sali di 5 luga den e clasificacion individual y ta e reserva si un clasificado cay afo. E lo haya e oportunidad di bay.

E Weganan Centro Americano y Del Caribe lo ta den luna di juli/augustus na e ciudad di Barranquilla, Colombia.



E di 7 edicion di Powerade 8KM Walk/Run di RCA

ORANJESTAD - Duran-
te fin di siman RCA a tene
nan di 7 edicion di Pow-
erade 8KM Walk/Run. Pa
RCA esaki ta prome bia-
ha cu e evento aki tabata
completamente bendi.
Fundacion Lotto pa De-
porte ta contento di por
a contribui un biaha mas
y asina a yuda RCA e aña
aki cu nan evento di walk/
run. Esaki ta segun e co-
municado cu nos a ricibi
di Lotto.

President di RCA, Ditto
Acosta, a expresa cu e par-
ticipantenan a sali pa 6:30am.
Tur participante riba e ruta a
bay bon y sin complicacion.
Na momento cu e partici-
pantenan a cuminsa drenta
a bay bon, a enfoca riba e
siguridad y tur tabata drenta
trankil. RCA ta satisfecho
con cosnan a bay.

Pa por a organisa e evento,
e sponsornan ta esunnan cu
ta carga esaki. Fundacion
Lotto pa Deporte ta un di e
sponsornan di e aña aki, pero
tambe a conta cu e sponsor
principal Powerade. Pa 7 aña
Powerade ta yudando RCA
cu e evento aki. Den number
di RCA, Ditto Acosta, a
gradici tur cu a yuda pa asina
nan por a rifa e premionan.
Tambe el a gradici e bolun-
tarianan, manera IBSA cu
a haci e registracion, Polis y
Crus Cora.



La Fama ta inicia segunda buelta cu triunfo y derota



ORANJESTAD - E campeonato di futbol di AVB division Dama a inicia, caminda e ekipo di La Fama a mira accion den su prome dos weganan di e buelta aki.

Den su prome compromiso e ekipo di Savaneta a cay venci contra di Britannia cu score di 3-2, pero diabierna ultimo La Fama ta bin logra un triunfo cu anotacion di 7-0 riba e ekipo di Estrella.

Den su prome compromiso La Fama a topa Britannia caminda den e prome parti e wega tabata hopi pareu, pero tabata Mylene Croes ta pone e ekipo di Piedra Plat dilanti 1-0 den e prome tempo cu tremendo tiro den skina ariba y cu cual anotacion e prome tempo a bay aden.

E mesun hungado ta logra di anota e 2-0 den di dos mita ora cu su tiro a desvia via di un defensa di La Fama y ta sorprende keeper Guylaine Geerman, pero La Fama ta logra reacciona y cu gol di Lilianne Saladin ta corta e desbentaha na 2-1. Sinembargo ora Britannia ta bolbe anota pa e wega



bira 3-1, pero den e minuutnan final La Fama ta reacciona y ta anota cu gol di Shaqiera Rodriguez ora cu su tiro ta slip pasa dor di man di portero di Britannia pa e wega bira 3-2 y cual a bira e score final tambe.

Diabierna ultimo La Fama a bolbe mira accion contra di Estrella, cual partido e ekipo di Savaneta a domina por completo. Den e partido aki e hoben tal-



ento di La Fama, Shadira Croes di 13 aña, ta logra no solamente un hattrick autentico den e prome tempo, pero ta logra un total di 5 gol den e wega aki caminda La Fama ta logra un triunfo di 7-0.

Ya na di dos minuut di wega La Fama tabata cerca di anota ora cu riba un centro di Shadira, e centro delantero Yennifer Huntington ta tira riba gol, pero portero di Estrella ta sali bon y tapa e tiro manda bala corner.

Mucho no a dura despues cu riba un paso di Lisandra Fradl, e hoben Shadira ta bay laga defensa di Estrella y ora cu e portero a sali for di su gol, e ta lob e bala over di su cabes pa pone La Fama ariba 1-0 y despues di e gol aki, Shadira Croes ta sigui cu su productividad anotando no menos cu tres gol mas pa e prome tempo bay aden 4-0.

Den e periodo aki tambe referee ta expulsa dos hungado, un di cada ekipo lagando ambos ekipo cu 1-0 hungado riba tereno.

Den di dos tempo La Fama a sigui domina e accionnan y cu Estrella purbando na reacciona, pero tabata La Fama cu ta logra di aumenta su bentaha na 5-0 ora cu Nicole Garcia ta domina un tiro liber den area penal y ta pusha e bala den gol.

Shadira ta corona su gran anochi cu otro gol despues cu a bira su di cinco gol di wega y pone La Fama ariba 1-0 y finalmente tabata e medio campista Mylenne Maduro kende ta anota e ultimo gol pa sigura e triunfo di 7-0 di La Fama den e wega aki. Cu e resultado aki La Fama ta acumula 19 punto y ta pasa pa di tres puesto riba e tabla di posicion mientras cu Estrella ta keda cu 9 punto. La Fama su proximo compromiso lo ta diadomingo venidero contra di Arsenal y Estrella lo bolbe mira accion diabierna venidero ora cu nan topa cu Dakota.



Minister Xiomara Ruiz-Maduro (MEP):

‘Danki Aruba pa sostene nos artista internacional Jeon!’

ORANJESTAD - Diaranson anochi un publico grandi a presenta dilanti Bestuurskantoor pa duna Jeon un bon bini na e acto di reconocimiento caminda gobierno di Aruba a nombra Jeon como Embahador di Bon Boluntad di nos pais.

Un publico hopi grandi tabata presente na momento cu a Jeon y minister Xiomara Ruiz-Maduro a yega den limousine y manera cu e merece, un artista grandi, el a wordo ricibi riba red carpet. Minister presidente Evelyn Wever-Croes a presidi e comite di recepcion cu a duna Jeon un bon bini.

Un cantidad di miembronan di prensa tabata presente pa cubri e yegada y henter e evento, canalnan di television y radio tabata en bibo for di Bestuurskantoor. Jeon a saluda y saca potret cu e publico cu tabata warda cu yen di entusiasmo y alegria, tabata un momento hopi emocionante. Despues cu Jeon a saluda e publico presente, el a wordo dirigi na su asiento y e bunita evento a inicia cu interpretacion di Himno di Aruba pa e hoben Roseanne Croes, acompaña riba guitarra pa meneer Rincones.

Maestronan di ceremonia, Juelle Thode y Andrew Vrolijk a presenta en breve un biografia di Jonathan Bryan Jeon Thiel y despues a sigui un presentacion di video riba un pantaya gigante cu a wordo instala dilanti Bestuurskantoor. Minister Ruiz-Maduro a hiba un elocuente discurso den cual na inicio el a trece dilanti cu e no ta Anita, ni conoce Julissa, pero e ta Xiomara y el a bay busca Jeon na hotel den limousine pa trece Bestuurskantoor pa e ricibi e reconocimiento y e esaki ta chikito compara cu locual Jeon merece.

Palabranan bon scogi y emocionante a wordo encanta y aprecia pa e publico cu tabata bati man y expresa nan aceptacion grandi pa e frasenan scogi pa e mandatario encarga cu nos cultura. Minister presidente a hiba palabra dunando reconocimiento na Jeon pa su produccion Machika promoviendo nos pais Aruba internacionalmente,



pa cual motibo gobierno di Aruba a nombra Jeon como Embahador di Bon Boluntad.

Di parti gobierno Jeon a ricibi un bunita recuerdo. Ademas Jeon a wordo obsekia un bunita holoshi di parti gobierno di Aruba. Minister Dangui Oduber, mandatario encarga cu Turismo tambe a hiba palabra y a gradici Jeon pa e promocion impagabel cu Aruba ta ricibiendo di Jeon pa medio di e produccion Machika.

Despues di e reconocimiento Jeon a hiba palabra y a expresa di ta hopi contento di ta bek na Aruba y a gradici e pueblo y gobierno di Aruba

pa e reconocimiento grandi aki. Jeon a motiva cada hoben cu si bo tin talento sigui traha riba dje y bo soño lo bira realidad. Jeon su discurso a manda un mensahe cu a cay bon den e publico: “Haci algo pa bo luga enbes di keda critica!”. Kiermen enbes di critica ban haci algo positivo pa nos pais.

Na final Jeon a sorprende e invitadonan y e masa di publico cu su exitonan hunto cu e banda Upgrade Music y no por a keda afo e cancion y produccion Machika cu a hiba nos pais y papiamento internacional. Un espectáculo impresionante dunando un yiu di tera, un hoben cu



talento un reconocimiento cu e merece. Minister a Ruiz-Maduro ta yama Aruba danki pa a presencia e nochi na Bestuurskantoor. Den su palabranan e mandatario a

expresa: “Nos a briya como pais ayera, den union nos a brinda un bunita homenahe na un hoben artista Arubano. Pabien Aruba, Pabien Jeon... nos a Machika.”

Gabinete Wever-Croes:

‘Den 100 dia a traha na reestablece relacionnan exterior’



ORANJESTAD - Gabinete Wever-Croes tin 100 dia den gobernacion. Un di e retonan sigur ta relacionnan exterior. Prome Minister Evelyn Wever-Croes ta duna di conoce cu riba tereno di relacionnan exterior, gobierno di Aruba a cuminsa reestablece e confiansa y e bon relacionnan internacional.

“No ta un secreto cu nos relacion cu Reino, especialmente Hulanda, no tabata bon mas. Hulanda no tabata tin confiansa den Aruba mas. Den e prome 100 dianan nos a logra reestablece e relacion di confiansa, na momento cu nos a presenta e cifranan real, y nos a presenta plannan realistico con pa atende cu e problemanan di nos pais. Riba tereno financiero y riba tereno di integridad y bon gobernacion. E muestra cu e confiansa t’ey atrobe, tabata momento cu gobierno di Aruba a logra haya mas tempo pa por atende cu e retonan financiero.

Nos relacion cu Venezuela tampoco tabata bon, y apenas algun siman despues cu nos gobierno a sinta, nos a wordo confronta cu e medida di Ven-



ezuela pa cera e frontera. Esaki debi cu no tabata tin confiansa mas den gobierno di Aruba, cu no a cumpli cu palabracionnan haci. Nos mester a cuminsa traha riba e confiansa, y mes momento muestra te unda nos ta dispuesto pa bay. Nos a tuma e decision mesora pa prohibi importacion di koper, y pa busca otro rutan pa importa fruta y berdura na Aruba. A pesar cu e medida ainda ta valido, mester bisa cu nos ciudadanonan no ta sinti mucho molestia di esaki.

Otro relacionnan cu tabata bastante dificil tabata cu e consulnan cu ta representa e diferente paisnan na

Aruba y Corsou. Nan no tabata haya oido di gobierno anterior, y nos a cambia esaki mesora, pa via di organisa un encuentro entre e consulnan na Aruba y Corsou, y gobierno, parlamento y departamentonan concerni. E confiansa poco poco ta wordo reestableci.

Cu honestidad, y demostrando cu Aruba kier trece bon orden y respet, nos lo sa di gana confiansa di e comunidad internacional cu a perde e confiansa aki den Gobierno di Aruba”, segun prome minister Wever-Croes.

Minister Xiomara Ruiz-maduro (MEP):

‘A reuni cu Banco Central di Corsow y Sint Maarten’



ORANJESTAD - Minister Xiomara Ruiz-Maduro a reuni cu ehecutivonan di Banco Central di Corsou y Sint Maarten, kendenan a haci un bishita di cortesía cerca e mandatario.

E ta importante pa por tin un bon cooperacion entre e Banconan Central di nos paisnan, sigur pa locual ta trata e areanan di supervi-

sion bancario y di seguro, pero tambe riba e tereno di legislacion y di esfuerzonan pa combati labamento di placa y financiamiento di terrorismo. Minister Ruiz-Maduro a expresa su gratitud na e ehecutivonan pa nan bishita y ta spera cu pronto por tin mas cooperacion fructifero entre e Banconan Central di nos paisnan.

Parlamentario Alan Howell (POR):

‘Pueblo kier sa si Citgo ta bay of ta keda’

ORANJESTAD - Varios dia a pasa sin cu por haya un claridad ainda riba kico lo bay pasa cu e refineria na San Nicolas. Parlamentario Alan Howell a indica cu e siman aki pueblo di Aruba, San Nicolas y trahadonan di Citgo por spera cu el lo bay haci hopi fastioso tocante e situacion di Citgo.

“No por ta asina cu nos pueblo a haya un speranza cu e refineria pariba lo bolbe habri, diferente tata y mama di famia a mira un luz ta briya den horizonte pa cu nan situacion laboral y awo e speranza aki ta wordo kibra”, sr. Howell ta duna di conoce.

A laga un proyecto bay pasobra e refineria lo tabatin un efecto positivo mas grandi pa nos economia, pero awe esaki ainda no ta mirando luz di dia y tur cos ta indica cu den e miho di e casonan no pa 2020 e lo sosode, parlamentario di POR a expresa. E ta agrega



cu ningun hende por kere cu nan lo bin Aruba y tuma nos hende haci.

Finalizando sr. Howell a informa cu gobierno lo wordo yama den parlamento pa duna tur e informacion co-

respondiente den cuadro di e situacion actual y futuro di e refineria y e trahadonan cu ta (bata) traha direct of indirectamente cu Citgo. “Pueblo kier sa con nos ta para y p’esey fraccion POR y Alan Howell t’ey.”

Fraccion MEP:

‘E minister di husticia mas incapaz cu Aruba a yega di conoce tabata Arthur Dowers’

ORANJESTAD - Ta increibel pa mira con e ex ministernan di AVP ta haciendo saltonan mortal den e ultimo dlanan aki, caminda entre otro e ex minister di husticia, Arthur Dowers cada dia ta birando mas desespera y frustra.

Ta comprendibel si su actitud, ya cu te hasta su aspiracion pa bira director di hospital a cay na awa despues cu su partido a perde 10 mil voto den e ultimo eleccion y cu nan a bay sinta den banki di oposicion.

Dowers a laga frontera hancha habri

Den su ultimo reaccion si man pasa Arthur Dowers a acusa e gobierno actual di kier yena e pais cu droga pasobra supuestamente nan lo kier mira mas tanto hende droga cu no ta comprende kico nan ta haci. No tin palabra pa describi e locura y disparate aki cu e ex minister a vocifera y cual por a sali solamente di un persona cu aparentemente lo mester a dal poco droga bieu cu ya a caduca y cu ta muestra cu e no ta digno di fungi como parlamentario den e organo di mas halto den nos constitucion. Echo ta cu ta hustamente bao di su maneho desastroso di 8 aña, caminda el a elimina Warda Nos Costa,



e 3 radarnan Raytheon, e helicopter di polis y e Visibility Teams, henter frontera di nos pais a keda hancha habri pa tur sorto di droga, arma y ilegalnan drenta Aruba. Con un mandatario cu mente chikito asina por a elimina tur e instrumentonan valioso aki y pa asina permiti droga, arma y ilegalnan drenta na gran cantidad den e pais aki?

Dowers a cera shelter Tambe sr. Dowers tabatin e curashi di declara cu bao di su maneho e cantidad di adictonan cu ta anda riba caya a ser reduci y cu awor e situacion ta controlabel y tranquil atrobe. Ki mentira, ya cu ta danki na su maneho desastroso di 8 aña, caminda el a percura pa cera e shelter den centro di ciudad y cual ta un luga cu tabatin un miho control riba e adictonan y cu

nan tabata haya paña limpi, cuminda y chens pa rehabilita, tur e adictonan ambulante a ser gesspart den tur skina di centro di ciudad, danki na sr. Dowers. E consecuencia directo ta cu awor bo ta haya tur e adictonan ta cana tur sushi den caya, ta drumi anochi unda cu ta riba acera y ta horta entre otro pa haya algo di come y ya a bira un bista tristo pa nos local y turistanan. Locual sr. Dowers a haci tambe tabata di reduci y te hasta kita subsidio di fundacionnan cu ta traha pa rehabilita e adictonan y como resultado cu nan a haya nan mes obliga di manda hopi trahado cas. Asina criminal e maneho di sr. Dowers tabata, ya cu no tabata import’e niun bleda con mester soluciona e problema di adiccion



di droga na Aruba, basta cu e por a traha tranquilamente riba su CV pa bira director di Hospital.

Finalmente, sr. Dowers, bo tabata e minister di husticia di mas incapaz y mediocre cu nos pais a yega di conoce desde entrada di Status Aparte, caminda durante 8 aña bo

no por a produci ni presenta un plan integral pa lora ta e maneho riba tereno di husticia y como consecuencia cu criminalidad a asota nos pais durante henter e periodo di boso gobernacion. Pues un ex minister cu ta bay den historia como uno di tanto bal e tabata t’ey of laga di t’ey.

Parlamentario Marlon Sneek (AVP):

‘Aruba a haya un gobierno cu no tin capacidad pa reconoce su responsabilidad’

ORANJESTAD - Un biaha mas gobierno di coalicion ta mustando su incapacidad pa goberna e pais of siki-nera tin nocion di loke nan tin cu haci como coalicion encarga pa maneha e pais.

Parlamentario Marlon Sneek ta muestra cu na momento cu un gobierno, cu ainda no por presenta un vision y un plan di gobernacion despues di mas di 100 dia den gobernacion, ta mas cu claro cu problemanan lo surgi, sigur ora cu ni un presupuesto ainda nan por hinca den otro. “Aruba tin un gobierno cu a campaña cu cantidad di promesa pa pueblo pero awor ta parce cu nan no por cumpli cu pueblo y ya

na su salida, gabinete Wever Croes den su prome gran acto gubernamental, ta papiando di un pakete di medida contra di pueblo.

Na 2009 partido AVP a haya mandato di pueblo, a bin haya un pais na rand di bancarota, fondo di pensioen den mesun condicion, scolnan den mal estado, un servicio medico cu problemanan serio, un situacion social hopi delicado y un refinaria di San Nicolas cu a dal su portanan cera. Gabinete Mike Eman I y II no a para keto, no a perde tempo cu weganan politico sin sentido manera ta e caso actualmente pero a dicidi di traha y alivia e peso grandi cu gobierno di MEP a pone riba lomba di pueblo.

Entre otro a elimina gran parti di BBO, a percura pa

esunnan mas debil haya algo extra den nan cartera y a cuminsa un programa di drechamento di scol, hamas bisto den historia di nos pais. A inicia cu un serie di inversionnan pa duna un empuhe grandi na economia di e pais, cu tabata pasando den un situacion sumamente delicado despues di un maneho di gobierno di MEP cu tabata dirigi mas tanto pa sirbi interes di amigo- y famianan. Gabinete Mike Eman a cuminsa atende cu e situacion di e refinaria, buscando un solucion pa su reapertura mirando e empuhe economico cu e lo nifica pa henter e pais y no ta sinta keto y spera kico lo bay pasa.

For di 2014-2015 a cuminsa cu e proceso pa reduccion di deficit tira presupuesto

y a base di sacrificio grandi, dedicacion inmenso y un determinacion pa drecha e reto financiero aki, gabinete Mike Eman a traha duro pa atende cu su gasto y entradanan sin cu mester a manda hende cas, sin mester a tuma medida contra pueblo.

Ta esaki gabinete Wever Croes tin cu haci, traha cu esfuerzo, dedica mas tempo na logra un presupuesto na interes di pueblo y evita cu pueblo lo sinti resultado di un gobierno di coalicion cu no tin nocion kico nan tin cu haci.

Mescos cu gabinete Mike Eman I a atende cu deficit grandi na 2009 di gobierno di MEP cu a bira su responsabilidad di, awor ta toca gobierno di coalicion pa atende cu e deficit aki, a base di normanan stipula pa esaki.



E momento a yega pa gobierno MEP-POR-RED cuminsa bira serio y atende cu asuntonan general di e pais, y stop di perde tempo cu campaña politico, ya cu eleccion a pasa bay dia bieu caba”, lider di fraccion di AVP, Marlon Sneek ta muestra.

Parlamentario Arthur Dowers(AVP):

‘Minister Lampe kier privatisa scolnan pa acomoda un grupo di amigonan’

ORANJESTAD - Tin preocupacion grandi den enseñansa na e momentonan aki, principalmente den scolnan publico y parlamentario pa fraccion di AVP, sr. Arthur Dowers ta mostra cu e preocupacion ta grandi y ta sigui crece tur dia, ya cu e plan di Minister pa privatisa scolnan, ta creando incertidumbre tur caminda.

“Para dilanti di Princes Amalia Basisschool cu a wordo construi pa gobierno di AVP, net banda di EPI College cu participacion di un grupo grandi di muchanan, nos tin cu constata e baño di awa friu cu tur involvi den scolnan publico, ya cu sin cu tabatin un dialogo transparente, minister a dicidi cu e ta yega hisa benta, bisa tur hende cu pronto e ta bay lanta u stichting y su amigonan bay bira e directiva y cu e ta hisa benta tur hende den e stichting. Nos a capta e maniobra irresponsabel aki di biaha y como partido responsabel nos ta haya ta importante pa cuminsa informa comunidad, nos a informa maestronan y porfin reaccionnan ta cuminsa sali caminda nan ta desaproba e forma con minister kier haci esaki. Nos a bisa cu maestronan

tin cu bisa gewoon no na e proposicion pasobra no tin indicacion aki cu ta necesario pa privatisa nos scolnan. No por ta asina cu un gobierno cu ta pone un gran cantidad di miyon den enseñansa, pa entrega tur e miyonnan aki na un grupo, un par di amigo di e minister di Enseñansa, pa nan bay bira doño di enseñansa aki na Aruba.

Gobierno na e momentonan aki tin un responsabilidad for di constitucion, pa nos percura pa nos muchanan por drenta enseñansa, esey ta nifica cu no solamente mester percura pa tin suficiente cupo na e pais, pero bo mes tambe mester tin e posibilidad cu na momento cu cualkier fundacion ta dicidi cu nan no kier tuma un mucha pa cualkier rason, pa percura pa e muha por drenta un sistema di educacion.

Esey na e momentonan aki nos por garantisa pa motibo cu gobierno ta pagando pa enseñansa den su totalidad y gobierno tin tambe e ora gran cantidad di scol cu e por tambe percura pa un mucha drenta enseñansa.

Nos no kier un sistema di enseñansa caminda un grupo elite ta dicidi, of amigonan di Rudy Lampe ta dicidi, nos kier un sistema manera nos a



conoce cu a bin ta funciona pa hopi aña caba, minister Lampe a bin cu e argumento cu nos sistema tin metemento politico aden, esey absolutamente ta berdad y e no por e trece ningun prueba di ningun minister di Enseñansa cu lo a mete den enseñansa y nos ta papia aki di minister nan di gobiernonan di AVP y di MEP y mi persona tambe, caminda ningun a wordo tilda di a mete politicamente den enseñansa.

Ta un argumento fofu y tampoco e por a trece argumento

cu loke e kier haci cu e ta bay mehora calidad di enseñansa y na final di dia loke ta importante cu nos muchanan por haya educacion y cu nos tin tranquilidad cu nan ta wordo bon guia y haya bon cuido den nos sistema di enseñansa.

Na e momento aki un binimento di bruhacion den enseñansa lo trece hopi discordia, hopi intransigibilidad cerca nos maestronan cu lo bay afecta e calidad di enseñansa.

Nos kier mira cu e proceso

cu nos a pone den movecion, caminda cu enseñansa ta keda crece, ta bin mas hende den enseñansa, calidad di enseñansa, calidad di cuido pa mucha, calidad di cuido di maestronan ta wordo mehora.

Nos kier mira e proceso ey sigui, nos kier mira un minister di Enseñansa cu ta traha na interes di nos pueblo, nos no ta interesa den un minister di Enseñansa cu ta trahando na interes di un grupito of di su mes.

Pasobra e kier sigura porta cu ora e sali y su amigonan bira doño di tur e scolnan aki, e ora e por hinca su mes den un di e scolnan aki, y nos ta kere cu si e tin capacidad suficiente e por drenta cualkier scol ya cu tin scarsedad di maestro.

Minister no mester percura pa su mes pellejo tampoco pero percura pa traha na bienestar di comunidad y mi ta culpa partido MEP pa esaki, ya cu nan a bisa cu nan kier traha den un forma transparente pero nada di esaki ta tumando luga y ta tolera tur cos y esaki ta un decadencia, no solamente den politica pero den norma y decencia di hende, ora cu priminti asina hopi y awor no ta haci nada di esaki”, parlamentario Arthur Dowers a splica.

Parlamentario Robert Candelaria(AVP):

‘Hopi pregunta haci na gobierno riba criticanan di CAft’

ORANJESTAD - Dia 27 di februari 2018 College Aruba Financieel Toezicht (CAft) a trece padilanti un reaccion na e Uitvoeringsrapportage di e di 4 trimester di 2017. Den e reaccion aki, pero tambe esun prome cu e ultimo, CAft tabata critico riba e uitvoeringsrapportages y e asina yama tekortnorm segun e Landsverordening Aruba Tijdelijk Financieel Toezicht (LAft) den e presupuesto di 2017. Dia 9 di februari 2018 den e Uitvoeringsrapportage di e di 4 trimester di 2017, gabinete Wever-Croes a duna di conoce cu e cantidad di FTE a baha cu 129 den e di 4 trimester di e aña 2017 den comparacion cu e di 3 trimester. Segun e reportahe, e cantidad di trahado aki cu

a bay cas, tabata e personanan den servicio di e gabinete anterior cu nan contract di trabou a caba na final di e periodo di gobernacion di e gabinete anterior. Ademas, e reportahe ta indica cu e FTE aki tabata compensa cu personal nobo di e gabinete Wever-Croes. E impresion cu tin ta cu e compensacion aki di esunnan contrata ta bastante grandi.

En busca di un contesta riba e informacion aki Robert Candelaria a puntra gobierno, via minister president, diferente pregunta riba su maneho di gasto teniendo cuenta cu e scarsedad di recursonan disponibel, entre otro e nombracion di relativamente hopi funcionario nobo y e incumplimento di e medidanan di austeridad priminti.





AD PATRES

funeral home

Ta participa fayecimento

Van Rensselaerstraat 2
Tel. 584-2299 - 7372299
Family owned and operated
Since 1997

Thou hast turned for me my mourning into dancing: thou hast put off my sackcloth, and girded me with gladness; to the end that my glory may sing praise to thee, and not be silent. O Lord my God, I will give thanks unto thee forever. Psalm: 30. 11-12.

With deep sorrow we announce the passing of:



Juliana Aluria Almira Cranston

Better known as: "Mom or Moemi".
Sunrise: 30-04-1920 Sunset: 28-02-2018

Left to mourn are her:

Her Children:

† Clara Cranston,
Courtney Cranston,
Moveda Cranston, Carlos
Bennett (better known
as shoes), Wendell and
Ianty Bennett, Glenn and
Bernadine Bennett, Glenda
and Andrea Woodley-
Bennett in Statia, Elpedro
and Mircla Bennett, Elvis
Cranston and Anna Van
Heynegen.

Her Siblings:

† Sera Nedd Redan, †
William (Bill) Cranston,
† Vanella Courtar, †
Beatrix Cranston (Boe)
† Christalia Brown, †
Sunny Cranston, Maurris
Cranston in Holland

28 Grand children
29 Great grand Children
6 Great, great grand
children
Step granddaughter:
Aleandra Tromp-Bennett

Nieces and nephews in
Aruba, Holland, U.S.A.,
Statia, St. Maarten, and
Bonaire, Too numerous to
mention their names.

She was related to the
Family: Cranston, Bennett,
Courtar,
Mc Bene Courtar,
Richardson, Van Putten,
Boekhoudt, Redan,
Holiger, Hilman,
Pennyfeather, Hazel,
Duinker, Pompier,
Spanner, Berkel, Hodge,
Piart, Brown, Orman,
Thompson, Warren, Leslie,
De Graf, Godett, and
Scorea.

Like a sister: Rhoda Pretty,
Like a Son: Joseph Heiliger

She considered the
boys on the bench and
neighborhood as her
Children and Family

Close friends: Miss Violet
Brooks, Miss Alice Ellis,
Mrs Marilda Brown, Panzy
and Milly

Care takers: Frenky
Boekhoudt, Carlos
Bennett, Gloria Van
Heynigen, Metelis (JD)
Urena, and Suzell
Richardson.

The funeral will take place
on Wednesday March 7,
her body will be laid out at
Christ Methodist Church
in San Nicolaas from 1
pm service will start at 3
pm, followed by the burial
in the cemetery at Sabana
Basora (poschiquito)

The opportunity to share
condolences will take
place on tuesday, march 6,
2018 at AD Patres Funeral
Home from 7:00pm till
9:00pm
Please accept our
apologies if names were
not mentioned in these
moments of sorrow.

We regret that after the
funeral we do not accept
condolences at home.

Aurora
Funeral Home

Tel: 593-0857 / 588-6699 / 560-1403
Fax: 588-6698

"Dios ta amor... y amor ta
Dios,
maske mi no ta na e
mundo aki, tur dia lo mi
ta banda
di boso Curazon, mi por
steuns di loke Señor ta
hasi"



Conforme cu boluntad di
Dios, nos ta anuncia fayecimento di :

Leonardo Tromp

Mihor conoci como "Nadi"
*18-01-1940 - †02-03-2018

Acto di entierro lo wordo anuncia despues

Aurora
Funeral Home

Tel: 593-0857 / 588-6699 / 560-1403
Fax: 588-6698

"Señor ta mi wardador, mi'n
tin falta di nada
Den cunucu di yerba berde
e ta ponemi sosega.
E ta hibami na awa trankil,
Pa mi bolbe haña forsa".
Salmo: 23



Cu inmenso tristesa den
nos curason, nos ta participa
fayecimento di:

Federico Adeldo Soto

Mihor conoci como: "Decho"
*17-03-1939 - †03-03-2018

Acto di entierro lo wordo anuncia despues.

Aurora
Funeral Home

Tel: 593-0857 / 588-6699 / 560-1403
Fax: 588-6698

Laga tur loke ta spera mi ta
bunita Laga tur locual cu
mi encontra na caminda ta
bunita Laga tur locual cu mi
laga atras keda bunita y
Laga esakinan termina den
tur buniteza. - Cado Wever.



Conforme cu boluntad
di Dios, nos ta anuncia fayecimento
inesperadamente di :

Ilario Krosendijk

Mihor conoci como "Ali"
*21-10-1942 - †02-03-2018

Acto di entierro lo wordo anuncia despues

Aurora
Funeral Home

Tel: 593-0857 / 588-6699 / 560-1403
Fax: 588-6698

Mi Dios, Mi Señor,
Mi Salvador
Cu Bo amor infinito
tenemi den Bo braza
Ya no tin scuridad
Unicamente Bo Luz
briyando



Conforme cu boluntad di Dios, nos ta
anuncia fayecimento inespera di :

Francisca Thiel

Mihor conoci como "Sisca" of "Chuchi"
*06-11-1955 †04-03-2018

Acto di entierro lo wordo anuncia despues



CONDOLENCIA



Cu honda pena pero conforme cu Dios su boluntad,
Staff y Personal di Alhambra Casino (Divisino N.V.)
ta participa fayecimento di:

Sr. Edward Rafael Thiel

Yiu di nos colega Roland Thiel

Nos mas profundo palabranan di condolencia na
famia Thiel y demas famia y amigonan.
Hopi forza den es momentonan dificil aki.

Cu "Edward" sosega na Paz

Alhambra
CASINO AND SHOPS



Tel: 593-0857 / 588-6699 / 560-140
Fax: 588-6698

Señor ta mi wardador, mi'n tin falta di nada, den cunucu di yerba berde E ta pone mi sosega. E ta hiba mi na awa trankil, pa mi bolbe haya forza. Salmo: 23.1



Cu inmenso tristeza na nos curazon, pero conforme cu boluntad di Dios nos ta participa fayecimento di:

Cerilia Boekhoudt
*30-03-1936 - +04-03-2018

Na number di su:

Casa: Francisco Boekhoudt

Yiunan: Jacintho
Linda
Genaro y Petra
Lucia

Nietonan: Armando, Daniela,
Janine, Alfred, Frederic, Derrick,
Delano

Bisanietonan: Jaron, Jatcy, Keon,
Kayne, Ariadne

Cuñanan: Evangelina, Celestina,
Cecilia

Sobrino y sobrinanan, primo y
primanan

Yega na cas: Elaine Jansen
Marian Varis

Bon Bisiña: Alvin y Juren Laclé

Demas famia: Boekhoudt, Laclé,
Vrolijk, Jansen, Varis, Wouters,
Erasmus

Nos ta pidi nos disculpa si den nos momento di tristesa nos por a lubida un of otro famia.

Ta invita pa acto di condolencia y entiero cu lo tuma lugar diaranson 7 di maart 2018 di 2'or pa 4'or di atardi, despues saliendo pa Santana catolico Pastoor Kranwinkel na Paradera.

Despues di entiero no por ricibi bishita di condolencia na cas.



Tel: 593-0857 / 588-6699 / 560-140
Fax: 588-6698



Mi no a muri Ta pesey mi no a bisa ayo Mi a djies habri mi halanan y bula bai keiro. Boso a keda atras No laga tristesa domina boso. Keda uni un cu otro pa mi alma Esey lo ta un alegria. Recorda mi cu hopi amor.

Cu inmenso dolor na nos curason nos ta anuncia fayecimento inespera di nos yiu, tata y ruman :

Edward Rafael Thiel

Mihor conoci como "Ponsy"
*20-11-1986 - †24-02-2018

Na number di su:

Mama: Marisela Lugo Colina
Tata: Roland Edwin Thiel y Michelle Thiel Roos
Yiunan: Jayden Villa
Nathaniel Thiel

Rumannan: Edmar Thiel y Rubenita da Silva
Edwardo Thiel y Joseanne Maduro

Primoruman: Marilain Yarzagaray y Ewald Koolman y
yiunan

Sobrina- y sobrinonan: Diyouira, Zhiqion, Daleyza, Edelmar,
Edellaine, Edwald

Mama di su yiunan : Luselie Villa
Shamiris Ascanio

Ex suegra: Sharon Poeran
Ex suegro: Vladimir Ascanio
Welo (a)nan na Venezuela: Maria Lugo Colina "Chepa"
†Julio Rafael Lugo

Welo (a)nan na Aruba : †Libia Willems
Victoriano Flanegin

Padrino: Franklin Kock
Madrina: Digna Flanegin
Primo(a) stima: Joel Wever y famia, Sherrety, Sandy-anne,
Maike

Tanta y Omonan na Aruba y Venezuela:
Celina Lugo Colina
Jesus Lugo Colina,
†Julio Rafeal Lugo Colina y famia
Julio Cesar Lugo Colina y famia
Rosita Lugo Colina y famia
Ciro Lugo Colina
Marisol Lugo Colina y famia
†Maribel Lugo Colina y famia
Jose Gregorio Lugo Colina
Lino Thiel y famia
Sofia Thiel y famia
Ramiro Thiel y famia
Aishel Thiel y Lilian Werleman-Thiel y famia
Carlo Thiel y famia
Nelson Flanegin y famia
Marlon Flanegin y famia

Pareha : Regina Espinosa

Amigonan di cas: Andre, Ference, Ashwin, Rolando, Renald,
Bryan, Jason

Tanta y omo grandinan, prima y primonan, amiga y amigonan, bisiñanan y conocirnan, famianan na Venezuela y Hulanda, ex coleganan di trabou, team di voetball Atlantico

Demas famianan: Thiel, Lugo, Colina, Flanegin, Willems, Villa, da Silva, Maduro, Yarzagaray, Ascanio, Croes, Poeran, Young, Kelly, Wever, Albert, Espinosa, Rosel, Kock, Koolman, Roos, Lopes, Ochoa, Vergel Amaya, Roga, Gomes, Lo-a-njoe, Henriquez, Dabian, werleman, Alders, Jacapucci, Wester, Hewitt, Peña, Julia, Jones, Mohamed, Carolina, Schwengle, Brown

Ta invita pa acto di entiero cu lo tuma lugar na Aurora Funeral Home diaranson 7 di maart 2018 di 9'or pa 11'or di mainta. Despues lo Sali pa Santana catolico na Sta Cruz. Oportunidad pa condolencia lo ta na Aurora Funeral Home diamars 6 di maart 2018 di 7'or pa 9'or di anochi.

Nos ta pidi nos disculpa si den nos tristesa nos por a lubida algun persona of famia.

Despues di entiero no ta ricibi bishita di condolencia na cas.



Tel: 593-0857 / 588-6699 / 560-140
Fax: 588-6698



Serca Señor Mi Ta Na Paz, Manera Un Yiu Serca Su Mama. -Salmo 131

Thomasa Eckmeyer Luidens

Cariñosamente yama "Chita"
Viuda di (†)Chemito Eckmeyer
*17 - 03 - 1930 †03 - 03 - 2018
Na Edad Di 87 Aña

Na number di su :

Mayornan :

(†)Isidoro(Dolie) y (†)Rosalia Luidens Wolf

Esposo stima : (†)Anselmo F. Eckmeyer

Yiunan stima : Arsenio y Martica Eckmeyer
Elvira y Luis Rasmijn
Errol y Susan Eckmeyer
Irving Eckmeyer
Franklin y Irma Eckmeyer

Nietonan : Arminda Eckmeyer, Ariette y Raymond Geerman, Erica y Claudio Wolf, Arushka Eckmeyer, Jo-ann y Sven Schneider, Alex Eckmeyer, Arselys Eckmeyer, Alexandra Eckmeyer, Arshmainy Eckmeyer, Marylene De Mei, Maribel De Mei, Arienne Vrolijk y Jefraim Figaroa, Mirienne Vrolijk y Ino Quandus, Micheal Vrolijk y Simone De Bakker, Ghino Vrolijk y Michelle Van Der Lee, Solannge Eckmeyer, Franco Eckmeyer, Franklin Eckmeyer y Elizabeth Kock, Cathline Eckmeyer,
Bisa Nieto y Bisa Nietanan
Tatara Nieto
Ruman : Maria Medarda(Meme) Luidens y (†) Abraham Donker

(†)Nancho Luidens y Carola Gomes
(†)Cesar Luidens y Tina Hieroms
(†)Jani Luidens y (†)Shon Rita Arends
(†)Catarina Luidens y (†)Jose Erasmus
(†)Cecilio Luidens

Swa y Cuñanan :

(†)Raymundo y Frida Eckmeyer y famia
Virginia y Damasco Lacle y Famianan na Hulanda
Arsenio Eckmeyer y Genoviva Winklaar y Famianan na Hulanda
Fransisco y Merietje Eckmeyer y famia
(†)Profilio y Nicolina Eckmeyer y famia
Andres y (†)Tida Eckmeyer y Famia
Aquelina y Sabino Paesch
(†)Antonio y Glenda Eckmeyer y Famia na Hulanda

Subrino y Subrinanan, Prima y Primonan, Ihanan Comer y Compennan, Suegro y Suegranan

Ex suegra : Joan Marin, Noguera Parada
Ex Suegro: Michael Vrolijk

Famia: Luidens, Eckmeyer, Lampe, Geerman, Scheinder, Wolf, De Mei, Westerburger, Hoevertz, Croes, Marin, Parada, Rasmijn, Vrolijk, Quandus, Figaroa, Wijngaarden, Van Der Biezen, De Bakker, Van Der Lee, Paesch, Stamper, Farro, Kock, Tromp, Donker, Hieroms, Arends, Erasmus, Gomes, Lacle, Gomez, Winklaar, Bergrok, Martijn, Pers, Wiersma, Klepper, Mejia.

Address pa condolencia : Royal Funeral Home
Fecha y Ora : diamars 06 maart 2018
for di 7pm - 9pm

Acto di entiero lo tuma lugar : diaranson 07
maart 2018 Nos Defunto Mama/Dudu Stima
ta Reposa di : 2pm - 4pm na Misa Santa Anna Noord

Cremacion lo tuma luga den ceno familiar nos disculpa si den nos tristesa nos por a lubida un of otro famia of cono-cir.



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 05 Mrt 2018 Anochi

CATACHI
Sorteo # 6421
2197
2569
7370
BIG 4
Sorteo # 5465
5013
DIFF
Sorteo # 170
7687
ZODIAC
Sorteo # 4224
8757
Aquario
KORSOU
Sorteo # 1993
1795
4295
7815

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	200.000,-

LOTTO DI DIA	01-10-15-17-26
Sorteo # 4343	Proximo Jackpot
0 x Jackpot	
5 x Match 4	
133 x Afl. 8,00	80.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	330.000,-

MINI MEGA	Afl. 430.000,-
MEGA PLUS	



DIARIO 6303-0126-1370
SUPER 4 3192
FLAMINGO 3764-4419-9485

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 05 Mrt 2018 Merdia

CATACHI
Sorteo # 2143
6842
2912
0923
BIG 4
Sorteo # 2143
3914
DIFF
Sorteo # 199
8657
ZODIAC
Sorteo # 2143
2316
Libra

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	200.000,-

LOTTO DI DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	76.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	330.000,-

MINI MEGA	Afl. 430.000,-
MEGA PLUS	



Aries

Atende mas bo bida amoroso, Aries. Ta posibel cu bo no ta poniendo atencion fei di e punto di bista concreto cu ta merece dunando e tempo cu e ta rekeri. Number: 11, 27, 36 44.



Tauro

Ta surgi algo di pasado cu lo haci bo reflexiona. Lo bay bin algun recuerdo di pasado cu por haci bo inquieto bo, hasta un encuentro of un noticia di un hende cu no ta interesa bo corda. Number: 10, 26, 34 42.



Geminis

Lo yega loke pa basta tempo bo a spera di ricibi. Tuma bentaha den un tardansa di un plan of proyecto pa reevalua loke lo bo bay haci y despues realisa e proyecto cu mayor posibilidad nan di exito. Number: 9, 25, 33 41.



Cancer

Pensa bon prome cu bay pa algo nobo. Tene bo mente habri pa tur opcion. No laga bo mes envolve pa fantasianan economico of pa palabranan di hende manipulado. Number: 8, 24, 32 40.



Leo

Luna den bo aura ta sigui accentuando su influencia. E tono apasiona cu ta envolve bo cu e transito di Luna den bo signo awe ta sigui vigente. Amor ta batiendo porta. Number: 7, 23, 31 39.



Virgo

Reflexiona prome cu tuma un decision importante. E exito di loke bo logra haya ta basa riba bo actitud madura, pero resolvi y sin basila. Pronto lo bo tuma un decision importante. Number: 6, 22, 30 38..



Libra

Lo bo supera situacionnan cu a trece bo abou. Bason lo caba y lo bo concentra den bo bida amoroso di un forma dicidido y feliz. Lo bo por concentra den energia. Number: 5, 21, 29 37.



Scorpio

Ta ripiti un episodio di pasado cu a satisfice bo. Atende e yamada di telefon ey, e cita of mensahe pasobra den nan lo bay tin indicacionnan positivo pa saca dilanti bo bida. Number: 4, 20, 28 36.



Sagitario

Durante e proximo dianan aki lo bo bay biba un tipo di experiencia diferente. Esaki por ta hunto cu e persona cu ta comparti bo bida, si bo tin pareha, mescos banda esun cu bo a caba di conoce. Number: 14, 30, 38 46.



Capricornio

Bo ta hala rosea hunto den bo bida amoroso. Ta trata di un dia hopi agradabel caminda lo bo bay hala un rosea profundo den bo bida amoroso cu aunke bo ta bo so, lo bo ta gosando bo independencia emocional. Number: 4, 23, 33 40.




Aquario

Lo bo regla tur cos cu bo flexibilidad mental. Awe lo bay ta un dia exitoso, un dia cu lo bo ricibi invitacion y ofertanan. Lo bo bay tin den bo mannan opcionnan pa dirigi lo saludabel den bo bida. Number: 14, 24, 31 46.



Pisces

Despues di cierto encuentro, cosnan no lo ta igual. Lo bo cuminsa cu un etapa caminda lo bo bay pone den practica loke bo tabata idea, e ideanan cu bo tin posibilidad existente den bo man. Number: 9, 32, 24, 41 42.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den dificultad
Tel: 583-5400**

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14
Aruba
297-588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.
com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

A1 Taxi Services Aruba

Italietraat 50 lokaal 7
Tel: 587-8850

Tel: 280-2828

Whatsapp: 592-7024

E-mail: a1taxiservices.
aruba@hotmail.com

Mobility Equipment Hire

Tel: 568 5165



Dokter na warda

Oranjestad
Dr. Esschendal
Tel. 586 0334

San Nicolas
Dr. Every
Tel. 584 4484

Botica na warda

Oranjestad:
Central Tel. 585 8077

San Nicolas
Aloe Tel. 584 4606

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule maart 2018

			ARR	DEPT	BERTH
THU	01	CELEBRITY ECLIPSE	08.00	17.00	C
FRI	02				
SAT	03	ZUIDERDAM	13.00	23.00	C
SUN	04	KONINGS DAM	07.00	17.00	C
MON	05	BRITANNIA	06.30	18.00	B
		AIDADIVA	07.00	18.00	C
TUE	06	SERENADE OF THE SEAS	07.00	17.00	B
		MEIN SCHIFF 3	07:30	19:00	C
WED	07	ADVENTURE OF THE SEAS	07.00	23.00	C
THU	08	NAVIGATOR OF THE SEAS	07.00	18.00	C
		CARNIVAL CONQUEST	08.00	16.00	B

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba Daily Exchange Rates - 03/05/2018



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG ⁴	-	-	100.00
USD	1.77	1.78	1.80
CAD	1.35	1.37	1.39
CHF	189.63	190.35	191.15
GBP	2.39	2.44	2.50
JPY	167.06	168.58	170.28
EUR	217.21	219.19	221.40
DKK	28.46	29.18	29.98
NOK	21.75	22.47	23.27
SEK	20.54	21.26	22.06

For amounts up to Afl. 100,000

YMCA: Mayornan tin cu re inscribi pa aña escolar nobo

ORANJESTAD - YMCA ta informa e pueblo di Aruba en general y e participantenan di YMCA cu pe aña venidero nan lo bin un cambio pe aña escolar nobo 2018-2019.

YMCA tin e programa di Y's Care, cual ta un programa despues di scol, unda ta haci diferente actividad cu e muchanan. YMCA tin e procedura anual cu e participantenan activo ta roll over den e aña escolar nobo, pero desde 2018-2019 lo bin cambio den esaki.

Directora di YMCA, Rachel Croes, a expresa pe mayornan ta hopi atento pe proceduranan nobo. E mayornan lo tin cu bay entrega un formulario di re inscripcion di e mucha y esaki lo yuda e parti interno di YMCA pa tin informacion mas actualisa di e mucha. Tambe esaki lo yuda nan pa tin un miho control riba e parti di administracion di e programa.

Ta importante pe mayornan tene na cuenta cu formulario di re inscripcion mester ta entrega prome cu dia 29 di Juni 2018. Si no entrega e formulario aki e yiu no lo tin un luga reserva pe aña escolar 2018-2019. Esaki ta nifica cu pa mayornan cu ta desea drenta e programa di Y's Care pa e aña escolar



nobo pa asina nan tambe tin e oportunidad y e lista di espera ta bira menos. Na e momentonan aki tin hopi mayor ta wardando pa un periodo largo pa por haya un cupo den e programa. Cu e sistema nobo aki, YMCA lo bay tin miho control y nan lo bay tin e oportunidad di brinda mas mucha un den e programa.

Tambe e cambionan ta encera cu YMCA lo ta mas estricto cu deadline, cual lo yuda e administracion interno di YMCA. Asina aki e organizacion por brinda e ayudo na esunnan cu mester. E deadline mensual ta dia 5 di cada luna pa por haci e pago, di cual ta un cambio hopi importante pe mayornan. "Alabes e ta un alivio pa mayornan cu nos ta bin cu un procedura, cu nos ta ofrece un descuento", sra. Croes a expresa.

Na e momentonan aki nan no tin esaki pero desde aña escolar 2018-2019 e mayornan por scoge pa paga mensual of 1 biaha pa aña. Esunnan cu scoge pa paga 1 solo biaha pa aña nan ta ricibi un descuento di 30%, si scoge pa paga 2 biaha pa aña ta ricibi un descuento di 20% y scoge pa paga pa kwartaal cu ta cada 3 luna nan ta haya 10%.

E mayor di participantenan existente

lo bay ricibi via e mucha un pakete di informacion y regla di e aña escolar nobo, unda cu tur informacion ta stipula, tur deadline y formulario. Mayornan cu no tin yiu cu ta den Y's Care, por pasa na YMCA Dakota of YMCA San Nicolas pa ricibi e informacionnan necesario, e formulario, pero muy pronto lo por ricibi tur informacion riba e website www.arubaymca.com.

Un otro cambio cu lo bay bin pe aña escolar nobo ta e sistema di busca e muchanan. Ta haci esaki pe siguridad di e mucha, unda lo enfoca riba e polisa di siguridad. E mayornan lo tin cu pasa na balie y indica cu nan ta busca nan yiu, di cual e boluntarianan mes lo trece e muchanan.

Sra. Croes a expresa cu nan ta haci esaki pa asina preveni cu personanan desconoci por bin bisa cu nan ta familiar di e mucha y esey no ta e caso. Ora di inscribi e muchanan, mayornan lo mester duna number di 3 otro persona cu tin e derecho pa busca e mucha. Si un di e 3 personanan aki pasa pasobra e mayornan no por, e persona mester identifica su mes. Ta importante pe mayornan lesa e pakete di informacion pa asina ta na altura di tur e cambionan cu YMCA lo tin p'e Y's Care.

Parokia di La Birgen di Fatima



ORANJESTAD - Parokia di La Birgen di Fatima lo tene un nobena na honor di San Hose, cuminsando diasabra dia 10 di maart pa 6or y 15 di atardi, prome cu celebracion di Santa Eucaristia, cual ta pa 7or di anochi. Riba diadomingo, dia 11 di maart y 18 di maart e nobena ta 5or y 15 di atardi.

Riba diamars, dia 13 di maart ora cu tin training di koor, e grupo di oracion na honor di San Hose ta resa den Kapel di Santisimo Sacramento. E nobena ta te cu diadomingo 18 di maart (Dia di Himno y Bandera).

San Hose su fiesta ta ser celebra cu un Santo Sacrificio di Misa Solem riba dialuna, dia 19 di maart pa 7or di anochi na Misa La Birgen di Fatima Dakota.

Tur grupo di oracion di Misa di La Birgen di Dakota, Parokianonan y devot nan na San Hose ta keda cordialmente invita pa asisti na e nobena aki na Misa La Birgen Di Fatima Dakota.

Resando na San Hose lo bo ta ricibi hopi gracia, ya cu e ta tata di Hesus.

Centro di Bario Brazil: Zumba pa un y tur



BRAZIL - Centro di Bario Brazil ta invita e hubentud y adulto di Aruba pa bin participa den e Zumba y Soca Freestyle cu ta tuma luga tur dialuna y diaranson di 6:30 pa 7:30pm den Centro di Bario Brazil.

E meta pa cual Centro di Bario Brazil ta organisa e actividad aki ta pa sigui stimula nos comunidad pa tene curpa den condicion (fit).

C.B.B ta haci un suplica na tur maestro di educacion fisico na scolnan, entrenador di diferente deporte y gruponan di baile etc., pa stimula nan alumno, atleta y esunnan cu no ta haci suficiente movecion, pa bin participa na e Zumba, MACHIKA y Soca Freestyle, Y keda Fit den CBB.

Pa mas informacion por yama CBB na telefon: 584-6500

Cambio di borchì na Welcome Plaza



ORANJESTAD - Entrante 13 di maart 2018 cambionan importante na Welcome Plaza lo drenta na vigor. Esaki ta despues cu a haci diferente sondeo y plannan pa un miho structura a yega na un decision pa drecha e structura na Welcome Plaza. Esaki ta segun e comunicado cu nos a ricibi di KPA.

Esaki ta algo cu Bon Dia a trece den un edicion anterior, na unda cu DOW a splica cu

area unda un conmocion a pasa envolviendo negoshantenan di kiosconan nobo na Welcome Plaza 'semper tabata destina pa bira un area di recreacion'. Y cu ultimo tempo a tuma nota cu mas y mas persona ta haciendo uzo di e area pabou di Welcome Plaza, unda cu e tram ta lora, como un espacio pa para auto. Pa proteha e area aki di hopi fluho pisa di autonan cu por causa daño particularmente na e 'tram baan', a tuma e decision pa cera e area aki. Lito

Kock Hoofd cu ta maneha e top di Oranjestad a splica mas di e cambionan importante aki pa tur manehando cu ta haci uzo di e entrada di waf pa nos industria di turismo.

Lo bay tin diferente borchinan di trafico nobo cu mester tene cuenta cu esaki. E prome cambio ta na e entrada principal cu ta ubica pabou di Citgo Boulevard. Aki ta e entrada principal solamente pa Taxi, bus y personal di waf tur otro vehiculo di motor ta prohibi pa drenta lo tin un borchì di verboden ubica eynan.

E parkeerplaats lo wordo numera pa busnan y lo ta pa bus, taxi y personal di waf staciona ey den tur otro vehiculo ta prohibi di staciona eyden. Lo tin un borchì tambe cu ta bisa ta prohibi pa busnan staciona na Welcome Plaza for di 9:00 anochi pa 5:00 mainta. E plaza mester ta completamente liber den oranan di marduga. E plenchi pabou di kiosconan lo tin un borchì pone cu ta prohibi pa auto staciona eynan. Pa motibo cu tera ta drenta den e railnan di e tram y ta causa daño na e tram.

Ta bay tin borchì cu lo indica e prijsnan di bus, taxi y tour cu ta stipula pa ley. Lo tin borchì tambe di informacion pa turistanan cu baha for di barco crucero. Si bo no cumpli cu e borchinan aki lo tin un multa y tambe cu consecuencia cu bo vehiculo lo wordo getakel. Pa tur otro manehando di vehiculo cu no tin permiso pa drenta Welcome Plaza lo haya un multa.

E idea di e borchinan aki ta pa baha e caos y tambe un miho



structura na Welcome Plaza tanto pa e taxi, bus, tourguidenan y tambe pa e bishitantenan hunto por eleva e calidad pa nos turistanan cu

bishita nos isla via barco crucero. Esaki ta un cooperacion di Polis, APA, ATA, DTP y DOW.

MEGAPLEX 8
caribbeancinemas.com Caribbean Cinemas Aruba

MARCH 2 - 7

JENNIFER LAWRENCE | JOEL EDGERTON

RED SPARROW
WITH SPANISH SUBTITLES

MON-THURS 3:40 | 4:55 | 6:05 | 7:50 | 9:05
FRI 3:40 | 4:55 | 6:05 | 7:50 | 9:05 | 10:45
SAT 2:00 | 3:10 | 4:55 | 6:05 | 7:50 | 9:05 | 10:45
SUN & HOL 2:00 | 3:10 | 4:55 | 6:05 | 7:50 | 9:05

BRUCE WILLIS | VINCENT D'ONOFRIO

DEATH WISH
WITH SPANISH SUBTITLES

MON-THURS 4:35 | 7:00 | 9:25
FRI 4:35 | 7:00 | 9:25 | 11:50
SAT 2:10 | 4:35 | 7:00 | 9:25 | 11:50
SUN & HOL 2:10 | 4:35 | 7:00 | 9:25

JASON BATEMAN | RACHEL MCADAMS

GAME NIGHT
WITH SPANISH SUBTITLES

MON-THURS 5:05 | 7:20 | 9:35
FRI 5:05 | 7:20 | 9:35 | 11:50
SAT 2:50 | 5:05 | 7:20 | 9:35 | 11:50
SUN & HOL 2:50 | 5:05 | 7:20 | 9:35

CHADWICK BOSEMAN | MICHAEL B. JORDAN

BLACK PANTHER
WITH SPANISH SUBTITLES
CXC PREMIUM LARGE FORMAT AUDITORIUM

MON-SUN & HOL 3:45 | 6:25 | 9:10

BRUCE WILLIS | COLE HAUSER

ACTS OF VIOLENCE

MON-SUN & HOL 8:40

JAMES CORDEN | DOMHINALL GLEESON

PETER RABBIT PG

MON-FRI 5:05 | 7:15
SAT-SUN & HOL 2:55 | 5:05 | 7:15

DWAYNE JOHNSON | KAREN GILLAN

JUMANJI WELCOME TO THE JUNGLE PG-13

MON-FRI 3:50 | 6:05
SAT-SUN & HOL 3:30 | 6:05

ALEX SKARLATOS | ANTHONY SADLER

-15:17 TO PARIS PG-13

MON-THURS • SUN & HOL 9:25
FRI-SAT 9:25 | 11:35

STARTING MARCH 8 | EVERY DAY • A WRINKLE IN TIME • THE HURRICANE HEIST • THE STRANGER: PREY AT THE NIGHT

Palm Beach Plaza Aruba | 586.0074

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

Monumentenbureau: Edificio monumental di Bestuurskantoer ta haya facelift



ORANJESTAD - E edificio monumental di Bestuurskantoer lo wordo restaura e proximo lunanan y esaki lo finalisa na luna di november.

Bestuurskantoer ta un monumento proteha y p'esey Monumentenbureau ta encarga cu restauracion di e parti monumental y DOW ta encarga cu e parti di paden, entre otro e parti di airco, electricidad y particion di oficina nan.

"E edificio a wordo construi na 1943-1944 y ta inscribi den e registro di monumentonan", directora di Monumentenbureau, Yvonne Webb a laga sa na Bon Dia Aruba. Sra. Webb a splica cu 'te ainda nan ta buscando e color di verf original di e edificio, esta e color geel cla'. E trabounan ta cuminsa riba e parti pafo di e edificio, entre otro e fachada.

"No ta henter e edificio ta bay wordo restaura na e momentonan aki", segun sra. Webb. Na



prome luga lo bay concentra na e parti di entrada cu ta bay wordo restaura e parti pafo y paden y e resto ta bay wordo haci den fase. "Tin hopi trabou pa haci pasobra e edificio tabatin waya di coriente cu ta hopi bieu y mester wordo cambia." Monumentenbureau ta encarga pa traha e plannan pa restauracion di e edificio, y tambe ta percursa cu pa loka ta e parti pafo keda den su estado original.

DOW lo traha riba e parti paden y ta encera instalacionnan di coriente y tambe e murayanan di paden. Mester percursa cu e edificio ta mantene su status di monumento y pa cual Monumentenfonds ta revisa tur trabou cu wordo haci. Na mesun momento tin un otro proyecto andando cu ta na banda drechi y cu ta conecta cu Bestuurskantoer y parlamento. E parti aki no ta cay bou di e categoria monumental.

Pa e proyecto aki a tene un destaho caba cu a wordo gana pa un contratista local. E parti destaho Monumentenbureau no ta encarga cu esaki, pero ta duna conseho con nan tin cu conecta cu e parti monumental, esta kico ta wordo permiti y kico no.



'Lo contribui pa trece comercio bek na San Nicolas'

ORANJESTAD - Recientemente Camara di Comercio y Industria di Aruba (KvK) a tene un reunion cu San Nicolas Business Association (SNBA).

E reunion aki tabata pa mira con desaroyonan a sigui despues di un reunion cu nan tabata tin den pasado y pa hunto discuti riba desaroyonan cu a tuma luga na San Nicolas den e ultimo tempo. Esaki ta segun e comunicado cu nos a ricibi di KvK.

Tumando na cuenta e situacion di Citgo y tambe nan recien anuncio di 'slow down' e operacionnan na e sitio, e ta bira ainda mas importante pa considera otro posibilidadnan pa crea pilarnan economico nobo. E ta hopi crucial cu incentivanan atractivo wordo crea pa di e forma aki haci posibel e creacion di un plan comercial amplio pa San Nicolas.

Un otro punto cu ta di sumo importancia ta e integracion di un servicio di ferry cu lo

yega na haf na San Nicolas. Un ferry lo stimula import y export den e area aki y hunto cu esaki lo crea mas incentivanan comercial via San Nicolas pa Aruba.

Apapia estrechamente di e rol di KvK y con hunto SNBA lo por traha na mehora loka ta brinda na e pueblo di San Nicolas. SNBA a trece dilanti e importancia pa trece negoshinan cu lo contribui na mehoracion di un economia sano. Un punto cu a resalta for di agenda ta e necesidad pa crea un economia diversifica. A pone enfasis riba e importancia pa crea fluho via diversificacion pa asina por crea mas trabao na San Nicolas cu lo eleva produccion local.

E reunion aki a tuma luga na O'Neills Kitchen y ta pa sostene empresario local. SNBA tambe a atende e reunion aki. Intencion di KvK ta pa duna sosten na diferente sector y empresario por medio di dialogo y a base di tene reunion den un atmosfera empresarial.



Instabilidad laboral y benefician menasa ta duna forza na sindicalismo

ORANJESTAD – Situacion financiero dificil y pronostico di crecimiento economico limita cu tin su impacto comercio ta factornan cu por contribui pa e trahadonan dicidi di bati porta di sindicato. E echo ta cu e hendenan cu tin trabou tin miedo di bay perde benefician existente of nan propio trabou y nan ta busca un forma pa protege loke nan tin.

E cantidad di referendum cu a wordo celebra durante e ultimo añanan ta muestra cu un aña tin mas y otro menos of vice versa. E caso di aña 2016 caminda 7 referendum so a tuma luga e aña ey, mientras cu na aña 2017 tabatin 15 referendum.

Na Aruba tin un aumento riba convocatoria di referendum, ya cu e trahadonan a bira mas consciente. Social media ta hunga un rol den esaki, ya cu tin mas grado pa acceso na informacion. Pero tambe ora cu e trahado ta sinti cu tin situacion cu por afecta su estabilidad y cierto derechonan adkiri ta core peliger, nan ta busca un proteccion pa medio di un sindicato. Segun mediador di gobierno, Anselmo Pontilius, no necesariamente e sindicato t'ey pa percura pa bo haya mas adelantonan financiero directo of indirecto. Sino cu e hende ta wak'e tambe como un forma di proteha nan cupo di trabou, entre otro. Sinembargo den un estado di dere-

cho manera Aruba ta, tur hende tin e libertad di scoge e caminda democratico cu tin, entre nan participa den referendum pa busca representacion sindical. Encuanto situacion laboral y afiliacion sindical, sr. Pontilius ta haya cu den e sociedad di awendia no mester existi e tipo di discusion riba afiliacion sindical. P'esey ora cu un sindicato por mostra preto riba blanco cu e tin un mayoria cu kier afiliacion na e sindicato, generalmente oficina di mediador di gobierno ta sugeri pa ambos parti yega na otro y reconoce otro pa medio di un proces-verbaal. Di e forma aki nan por evita tur e proceso largo cu ley di referendum ta exige pa cumpli cu esaki.

'Sindicato geel'

Segun abogado riba tereno laboral, Hose Figueroa, e idea tras di un sindicato ta pa defende e derechonan of interes di nan miembronan. Pero pa cumpli cabalmente cu esaki e mester ta un organizacion independiente. El a referi riba loke ta wordo yama internacionalmente 'sindicato geel' cu 99.0% di nan ta wordo influencia fuertemente pa gerencia. E tipo di supuesto sindicato interno aki ta purba di evita e presencia di otro sindicatos. Ya cu den nan opinion e trahadonan por trece nan opinion dilanti pa cu e compania, sin cu mester tin un sindicato involvi. Sr. Figueroa a base di su experiencia como abogado



di FTA ta wak esaki como un tactica pa tene sindicato afo. Pero banda di independencia cu un sindicato mester tin, tambe tin un aspecto legal cu ta stroba e tipo di sindicato geel aki. Den nos ley of ordenamento legal ta para cu e unico cu tin autoridad pa cera un contracto colectivo (CAO) ta un sindicato. E mester ta un organizacion di trahado cu den su statuton ta bisa cu e tin e autoridad di negosha y firma CAO. E importancia di un CAO ta cu e documento aki no solamente ta un acuerdo entre un empresa cu e sindicato. Pero den un CAO ley tambe ta regula

tur loke ta para den dje y cu e empresa mester cumpli cu esaki. E no ta conta solamente pa e miembronan di e sindicato, pero tambe pa tur trahado cu ta cay den e CAO.

Nos ley ta prescribi cu e trahadonan cu den futuro ta drenta den servicio di un compania, tambe tin cu aplica e mesun condicion di trabou para den e CAO. "E embergadura di un CAO ta hopi mas grandi cu simplemente un acuerdo", el a bisa. P'esey e ta conseha pa tanto miembronan, pero particularmente esunnan cu no ta miembro por afiliacion na e sindicato.

DOW y Contratista a modifica e cambionan di ruta na crusada Super Food

ORANJESTAD - Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda principal di L.G. Smith Boulevard cu entrante diahuebs 8 maart 2018 for di 9'or di mainta lo bay cera L.G. Smith Boulevard banda West (Tropicana Hotel) y laga L.G. Smith Boulevard banda Oost (Super Food) habri pa trafico pa ambos direccion. Kiermen cu riba caminda Oost ambos trafico lo bay core. (tweerichting verkeer) Lo bay tin desviacion via Oranjestad, Noord, J.E. Irausquin Boulevard y San Miguel.

E desviacionnan di caminda ta lo siguiente:

- Trafico for di Oranjestad direccion Noord, ta wordo desvia via di e rotonde di Sasaki (Eagle Bowling) direccion Pos Abou, bira na man robes pa asina drenta Caya Ritmo of Caya Musica y sali riba e crusada entre Bubali y San Miguel direccion Noord.
- Trafico for di Oranjestad direccion Noord ta wordo desvia via di e rotonde Sasaki (Eagle Bowling) direccion J.E. Irausquin Blvd pa asina yega Noord.
- Trafico for di Noord direccion Oranjestad, por subi L.G. Smith na e crusada di Mc Donald y ta wordo desvia na haltura di ex House of Cheng pa asina drenta riba e caminda Oost y sigui direccion Oranjestad.

En conexion cu e trabounan menciona departamento di Obra Publico ta haci un peticion na tur automobilista pa no haci uzo di e camindanan menciona y ta pidi pa tene cuenta cu e inconveniencia cu lo por surgi pa cual nos ta pidi nos disculpa.

